



通経  
目録



柳田文庫  
文庫11  
D 1  
1











010190547537



知服齋禁書



逸周書

梁朝經籍志

柳田泉文庫



順德龍氏  
知服齋鑄

知服齋叢書總目

第一集

逸周書十卷

漢禮器制度一卷

漢官一卷

漢官解詁一卷

漢舊儀二卷 補遺二卷

漢官儀二卷

漢官典職儀式選用一卷

漢儀一卷

風俗通姓氏篇二卷

第二集

十三州志一卷



三秦記一卷

三輔決錄二卷

南嶽小錄一卷

赤松山志一卷

島夷誌略一卷

甯古墟紀略一卷

元儒攷略四卷

少陽集十卷

第三集

雙溪醉隱集六卷

楊忠愍集四卷

校正元親征錄一卷

第四集

朱子讀書法四卷 嗣出

陶菴集二十二卷

第五集

崇禎五十宰相傳一卷

崇禎閣臣行略一卷

撼龍經一卷 李文田注 嗣出

東國史略六卷 嗣出

天啟宮詞一卷 附故宮詞 嗣出

花王閣賸稟一卷 嗣出



逸周書

系目

卷一	卷二	卷三	卷四	卷五	卷六	卷七	卷八	卷九	卷十	卷十一	卷十二	卷十三	卷十四	卷十五	卷十六	卷十七	卷十八	卷十九	卷二十	卷二十一	卷二十二	卷二十三	卷二十四	卷二十五	卷二十六	卷二十七	卷二十八	卷二十九	卷三十	卷三十一	卷三十二	卷三十三	卷三十四	卷三十五	卷三十六	卷三十七	卷三十八	卷三十九	卷四十	卷四十一	卷四十二	卷四十三	卷四十四	卷四十五	卷四十六	卷四十七	卷四十八	卷四十九	卷五十	卷五十一	卷五十二	卷五十三	卷五十四	卷五十五	卷五十六	卷五十七	卷五十八	卷五十九	卷六十	卷六十一	卷六十二	卷六十三	卷六十四	卷六十五	卷六十六	卷六十七	卷六十八	卷六十九	卷七十	卷七十一	卷七十二	卷七十三	卷七十四	卷七十五	卷七十六	卷七十七	卷七十八	卷七十九	卷八十	卷八十一	卷八十二	卷八十三	卷八十四	卷八十五	卷八十六	卷八十七	卷八十八	卷八十九	卷九十	卷九十一	卷九十二	卷九十三	卷九十四	卷九十五	卷九十六	卷九十七	卷九十八	卷九十九	卷一百
----	----	----	----	----	----	----	----	----	----	-----	-----	-----	-----	-----	-----	-----	-----	-----	-----	------	------	------	------	------	------	------	------	------	-----	------	------	------	------	------	------	------	------	------	-----	------	------	------	------	------	------	------	------	------	-----	------	------	------	------	------	------	------	------	------	-----	------	------	------	------	------	------	------	------	------	-----	------	------	------	------	------	------	------	------	------	-----	------	------	------	------	------	------	------	------	------	-----	------	------	------	------	------	------	------	------	------	-----



順德龍氏  
知服齋鑄

序

周書本以總名一代之書猶之商書夏書也自漢以來以所傳五十八篇目爲尙書而於尙書所載周書之外以七十一篇者稱之爲周書而別之劉向以爲孔子刪削之餘第漢志載周書七十一篇卽列于尙書之後而總繫之以辭則究未嘗別之於尙書之外也至隋志始降列雜史之首以爲與穆天子傳俱汲冢書然漢志未嘗列穆傳則其非出自汲冢可知不當牽合愚嘗玩其文義與尙書周時詰誓諸篇絕異而其宏深奧衍包孕精微斷非秦漢人能彷彿不第克殷度邑爲龍門所引用也明堂見於禮記職方載在周官其文雖有小異要不足爲病而箕子月令想卽洪範呂覽所傳之文周史所記載者也惟其闕佚既多又頗有爲後人羈入者篇名亦大率俗儒更易必有妄



爲分合之處其序次亦未確當如大匡爲荒政第四卷王在管時不當復以名篇且文內大匡中匡小匡意不可解時訓似五行傳謚法與史記正義大同殷祝雜出殷事與王會篇末成湯伊尹語皆爲不類若太子晉一篇尤爲荒誕體格亦卑弱不振不待明眼人始辨之也愚謂是書文義酷似國語無疑周末人傳述之作其中時涉陰謀如寤傲之歎謀泄和寤之記圖商多行兵用武之法豈卽戰國時所稱太公陰符之謀與時蓋周道衰微史臣掇拾古訓以成此書始於文武而終於穆王厲王也好古之士所宜分別觀之立乎千載以下讀千載以上之書而猶執篇目之多寡以繩之豈不誤哉乾隆五十有一年歲在丙午八月望日嘉善謝墉題于江陰使院

班志載周書七十一篇僅存四十五篇今其目仍有七

十篇而存者乃有五十九篇較班志轉多十四篇此由後人妄分以符七十之數實祇四十五篇未嘗亡耳且如大武以下並論攻伐之空文氣不斷不得分爲三篇卷一之羅匡與卷二之大匡俱屬荒政辭義聯屬自是一篇蓋羅匡之文卽在大匡中間如勤而不賓祈而不賓利民不淫民利不淫文義一律簡冊舛錯遂分而爲二因有卿參告羅之句而妄立羅匡之名也若第四卷大匡爲監殷事篇內雖有大匡中匡小匡之名不應與前篇同其名目二者必有一譌武寤文勢亦似竟接前文非另篇也世俘與克殷事詞相屬文筆亦一類應爲克殷一篇今中隔大匡文政大聚三篇蓋亦妄立世俘之名而分之并亂其篇次也

孔氏旣注周書而尙有不注者十餘篇豈此十餘篇爲



逸周書序  
孔氏之所未見後乃附入者邪如器服篇多闕文固不可註至若鄭謀度邑武微嘗麥官人諸篇均多名言法語何以概置不注是可疑也

是書之刻盧抱經同年積數年校勘之功加以博雅之士蒼萃所見而成之而墉適以採風莅止遂以夙昔管見參互攷訂課士之餘不辭炳燭之明悉力討論謹以質之同好汲古之士願更有以開我也丙午九月下浣墉又識

逸周書舊序

古書之存者六籍之外蓋亦無幾汲冢周書其一也其書十卷自度訓至于器服凡七十解自敘其後為一篇若書之有小序同孔晁為之注晉太康中盜發汲郡魏安釐王冢而得之故繫之汲冢所言文王與紂之事故謂之周書劉向謂是周時誓誥號令孔子刪錄之餘班固藝文志亦有其篇目司馬遷記武王伐紂之事正與此合然則兩漢之時已在中祕非始出于汲冢也觀其屬辭成章體製絕不與百篇相似亦不類西京文字是蓋戰國之世逸民處士之所纂緝以備私藏者性命道德之幾微文武政教之要略與夫謚法職方時訓月令無不切于脩己治人雖其間駁而不純要不失為古書也郡太守劉公廷幹好古尤至出先世所藏命刻板學宮俾行于世上不負古人之用



心下得以廣諸生之間見其淑惠後人不既多乎至正甲午冬十一月四明後學黃玠謹志

晉太康二年汲郡人不音彪。文昭案何超晉書音義云不甫鳩反姓也。準私發

魏安釐王冢得竹書數十車其紀年十三篇易經二篇易

繇陰陽卦二篇卦下易經一篇公孫段二篇文昭案晉書段作段說文

段字引左氏傳鄭公孫段字子石乎加切又九經公孫段

字樣段音霞云見春秋然則作段字未為非也

與邵涉論易國語二篇言楚晉事名三篇似爾雅論語又

似禮記師春一篇瑣語十一篇諸國夢卜妖相書也梁上

藏一篇先敘魏之世數次言丘藏金玉事繳書二篇論弋

射法生封一篇帝王所封大歷二篇鄒生談天類也穆天

子傳五篇圖詩一篇又雜書十九篇凡七十五篇七篇簡

書折壞不識名題漆書皆科斗文字多燼簡斷札文既殘

缺不復詮次武帝詔荀勗撰次之以為中經列在祕書著

作郎東哲得觀竹書隨疑分釋皆有義證此晉書武帝紀

荀勗及東哲傳文也又杜預春秋集解後序亦云汲冢古

文七十五卷多不可訓周易及紀年最為分了周易上下

篇與今正同別有陰陽說而無彖象文言繫辭其紀年起

自夏殷周皆三代王事無諸國別也惟特記晉國起自殤

叔皆用夏正建寅之月為歲首編年相次晉滅獨記魏事

至魏哀王之二十年蓋魏國之史記也又大似春秋經又

稱伊尹放太甲七年太甲潛出自桐殺伊尹乃立其子伊

陟伊奮令復其父之田宅而中分之師春一卷則純集左

氏傳卜筮事合此觀之汲冢所得書雖不可見而其目悉

具于此曾無一語及所謂周書者也文昭案東哲傳又有雜書十九篇內周書

論楚事然則亦非此周書也。案漢藝文志有逸周書七十一篇文昭案漢志無

字以今所謂汲冢周書校之止缺四篇蓋漢以來原有此



書不因發冢始得也李善注文選日月遠在晉後而其所引亦稱逸周書不曰汲冢書也惟宋太宗時脩太平御覽首卷引目始有汲冢周書之名蓋當時儒臣求汲冢七十五篇而不得遂以逸周書七十一篇充之矣文昭案隋唐志已云汲冢矣晁氏公武陳氏振孫洪氏适高氏似孫黃氏震李氏燾吳氏澄周氏洪謨號通知古今者皆未暇深攷文昭案李燾繫之汲冢失其本矣升菴失攷余故錄晉書及左傳後序文于此則此書也當復其舊名題曰逸周書可也嘉靖壬午八月望日楊慎書

史以事辭勝如以事而已則自周秦以逮于今體無論繁簡辭無論工拙而是非善敗興壞之端備見于史何可廢也如以辭而已則自左氏內外傳子長孟堅二書以及于范甦陳壽而下遂無足論然吾以爲皆不能當左氏左氏所紀載雖斷自東遷以後而彼其時去古未遠所稱引多三代盛時微言遺事迄今讀之若揭日月而行千載其博大精深之旨非晚世學者所及固道法所存而六藝之羽翼也等左氏而上之則無如世所稱汲冢周書者周書七十一篇自劉歆七略班史藝文志已有之而汲冢發自晉太康二年得書七十五篇其目具在無所謂周書當仍舊名不得繫之汲冢楊用脩太史論辨甚覈茲可無論其文辭湛深質古出左氏上所不必論若鄼謀世俘諸篇記武王謀伐殷與克殷俘馘甚眾往往誇誕不雅馴疑衰周戰國之士以意參入之然吾觀文傳柔武和寤大聚度邑時訓官人王會職方諸篇其陳典常垂法戒辨析幾微銓敘名物亦有非叔季之主淺聞之士所能彷彿者蓋文武周公所爲政教號令概見此書固不徒以事與辭勝而已也



上明氏以博物君子杼藻摛辭臣素王以垂不朽千載而下誦法素王者不能舍左氏故諸家訓詁犁然甚具而周書視左氏辭特深奧流俗畏難好易不復研覈孔晁一注寥寥及今亦頗多繆誤矣楊用脩太史嘗序是書以傳顧未嘗一爲參合讐校予讀之不無遺憾乃稍加參訂正其舛誤其不可以意更定者仍闕之以俟博聞之士說者謂尙書篡自孔子而此逸書者劉向以爲孔子所論之餘若不足存嗟乎是書不知當孔子刪與否其指誠不得與經竝然其事則文武周公其文辭則東周以後作者不逮也蓋不離屬辭紀事而道法猶有存者謂尙書百篇而外是書無一語足傳於經吾猶疑之安得以一二駁辭盡疑其爲孔子所誦遂置不復道哉自六藝以下文辭最質古者無如是書與周髀穆天子傳諸篇而是書深遠矣然皆殘

缺漫漶不甚可讀蓋去古日遠綴文者喜爲近易故時俗之言易傳而古語日就脫誤有足歎者予旣刻是書因爲敘之如此姜士昌仲文序



逸周書雋校所据舊本并校人姓名

元劉廷幹本 名貞有四明黃珍序大戴禮亦其所梓鄭  
元祐序稱海岱劉貞庭幹父以中朝貴官  
出為嘉興  
路總管

明章彙本

明程榮本

明吳瑄本

明卜世昌本

明何允中本

明胡文煥本

明鍾惺本

元和惠棟定字校

惠曾見宋本并雜取他書相參攷今  
書中稱惠云者是也其援引乃考士  
奇號半農之說今  
稱號以識別之

吳江沈彤果堂校



嘉善謝墉金圃校

江陰趙曦明敬夫校

臨潼張坦芑田校

江寧嚴長明東有校

金壇段玉裁若膺校

仁和沈景熊朗仲校

仁和梁玉繩曜北校

錢塘梁履繩處素校

錢塘陳雷省衷校

餘姚盧文弨紹弓合眾本并集諸家說校

逸周書目錄

卷一

度訓解第一

命訓解第二

常訓解第三

文酌解第四

糴匡解第五

卷二

武稱解第六

允文解第七

大武解第八

大明武解第九

小明武解第十



- 大匡解第十一
- 程典解第十二
- 程寤解第十三
- 秦陰解第十四
- 九政解第十五
- 九開解第十六
- 劉法解第十七
- 文開解第十八
- 保開解第十九
- 八繁解第二十 以上八篇亡

卷三

- 豐保解第二十一
- 大開解第二十二

- 小開解第二十三
- 文倣解第二十四
- 文傳解第二十五
- 柔武解第二十六
- 大開武解第二十七
- 小開武解第二十八
- 寶典解第二十九
- 豐謀解第三十
- 寤倣解第三十一
- 武順解第三十二
- 武穆解第三十三

卷四

- 和寤解第三十四



武寤解第三十五

克殷解第三十六

大匡解第三十七

文政解第三十八

大聚解第三十九

世俘解第四十

箕子解第四十一

耆德解第四十二

卷五

商誓解第四十三

度邑解第四十四

武倣解第四十五

五權解第四十六

成開解第四十七

作雒解第四十八

皇門解第四十九

大戒解第五十

卷六

周月解第五十一

時訓解第五十二

月令解第五十三

謚法解第五十四

明堂解第五十五

嘗麥解第五十六

本典解第五十七

卷七



官人解第五十八

王會解第五十九

卷八

祭公解第六十

史記解第六十一

職方解第六十二

卷九

芮良夫解第六十三

太子晉解第六十四

王佩解第六十五

殷祝解第六十六

周祝解第六十七

卷十

武紀解第六十八

銓法解第六十九

器服解第七十

周書序

逸周書目錄終





逸周書卷第一

晉 孔 晁 注

度訓解第一

命訓解第二

常訓解第三

文酌解第四

羅匡解第五

度訓解第一

天生民而制其度**注**聖人為制法度度小大以正權輕重以極明本末以立中**注**制法度所以立中正立中以補損補損以知足**注**損益以中為制故知足也□爵以明等極**注**極中也貴賤之等尊卑之中也極以正民正中外以成命**注**內外正則大命成也正上下以順政**注**順其政教政以內□□□自邇彌興自遠遠邇備極終也□微補在□□分微在明**注**知精□□□微分理有明故明王是以



敬微而順分分次以知和知和以知樂知樂以知哀知哀以知慧內外以知人注慧者甚明所以知人凡民生而有好有惡小得其好則喜喜舊本作善今從沈改大得其好則樂小遭其所惡則憂大遭其所惡則哀注言其性之自然凡民之所好惡生物是好死物是惡民至有好而不讓不從其所好必犯法無以事上注不讓則爭爭則必犯法矣民至有惡不讓不去其所惡必犯法無以事上徧行於此尙有頑民而況□不去其所惡而從其所好民能居乎注徧謂兼行好惡也能居乎言不能居好也舊本正文作而況以其所好民能居乎今從沈改注居好好字亦疑衍若不□力何以求之注言力爭也力爭則力政力政則無讓無讓則無禮無禮雖得所好民樂乎注爭則不樂若不樂乃所惡也凡民不忍好惡不能分次注忍爲持久堅以次第爲疑當作謂堅字句以疑當作次不次則

奪奪則戰戰則何以養老幼何以救痛疾死喪何以胥役也注胥相也明王是以極等以斷好惡教民次分揚舉力揚舉舊作注下空二字今從卜本作正文無脫字力竟疑力競之譌競盛也強也優爲下三事則揚舉之也任壯養老長幼有報注壯者任之老者養之幼者長之使相報此謂力竟也民是以胥役也夫力竟非眾不尅眾非和不眾注和之以懷眾和非中不立中非禮不慎禮非樂不履明王是以無樂非人無哀非人注言明王所樂所哀無非人也人是以眾人眾賞多罰少政之美也罰多賞少政之惡也罰多則困賞多則乏乏困無醜困舊本作困今從沈改教乃不至注醜謂所厚疑脫所是故民主明醜以長子孫民趙疑當子孫習服鳥獸仁德注歸其仁德土宜天時百物作明王行治注土之所宜天時所生皆行其物治之初塵初哉塵字無攷趙疑卽下文厲字之譌治化則順是故無順非厲注明醜以使之



所以成順者也長幼成而生日順極注言使小人大人皆成其事之上之心而生其義順之至也

命訓解第二

天生民而成大命注賢愚自然之性命也命司德正之以

禍福注司主也以德為主有德正以福無德正以禍然注

然字衍立明王以順之注順天作政曰大命有常小命日

成成則敬有常則廣廣以敬命則度至于極注日成日進

也如有常則其人法度至中正也夫司德司義而賜之福

祿福祿在人能無懲乎若懲而悔過則度至于極注懲止

也以德居身深術息其義案能無懲乎三句又見下文謝

不義即福祿在人案夫或司不義而降之禍在人能無懲乎

若懲而悔過則度至于極夫民生而醜不明無以明之能

無醜乎若有醜而競行不醜則度至于極注不謂醜者若

道上為君無以明之民不能自明也在上者能無醜乎謂

行不醜也是則止于至善矣下無以穀之無夫民生而樂

以畏之皆謂民能無勸乎能無恐乎皆謂君夫民生而樂

生無以穀之能無勸乎若勸之以忠趙疑若勸則度至于

極穀善也謂忠信也夫民生而惡死無以畏之能無恐

乎若恐而承教則度至于極注以死亡恐民使奉上易教

也六極既通六閒具塞注六中之道通則六閒塞矣通道

通天以正人正人莫如有極道天莫如無極注道謂言說

之也趙云道即通道之道注訓言非是文昭案天道天有

極則不威不威則不昭正人無極則不信不信則不行注

政教不明明王昭天信人以度功地以利之使信人畏天

則度至于極夫天道三人道三注言相方以立教天有命

有禍有福人有醜有紕統有斧鉞紕統與以人之醜當天

之命以紕統當天之福以斧鉞當天之禍六方三述其極



一也述與術同不知則不存注一者善之謂也不行善不知故

也極命則民億民億則曠命曠命以誠其上則殆於亂注

此下六極謂行之極其道殆近極福則民祿民祿則于善

于善則不行注不行善也極禍則民鬼民鬼則淫祭淫祭

則罷家注罷弊其財莫無禍也極醜則民叛民叛則傷人

傷人則不義注民不堪行則叛義也極賞則民賈其上賈

其上則民無讓無讓則不順注賈賣以功求其賞也極罰

則民多詐多詐則不忠不忠則無報注上遇其禮不報

終凡此六者政之殆也明王是故昭命以命之曰大命世

小命身注違大命則世受罰犯小命則罰身舊本正文作大命世罰小

命罰身案大戴禮本命篇注引周書大命世小命福莫大

身本無兩罰字故孔氏注以明之今據以改正

于行義禍莫大于淫祭醜莫大于傷人賞莫大于信義讓

莫大于賈上罰莫大于貪詐注言此六者最大文昭案行義當依上

文作于善又莫大於信義讓六字當為衍文此皆約上文

而言上云無讓此安得云讓所謂六者兼命而言也其語

意非以于善為福淫祭為禍所謂莫大正申言極之害大

耳與孝經罪莫大于不孝之語不同後人以福莫大于于

善賞莫大于賈上語勢似不順遂爾改之所云讓莫大于

賈上何解將以為責讓邪上文無極讓之語何可添出上

云無讓自指辭讓而言宜可牽混古之明王奉此六者以牧萬民民用而

不失注不失其義撫之以惠和之以均斂之以哀娛之以

樂慎之以禮教之以藝震之以政動之以事勸之以賞畏

之以罰臨之以忠行之以權注以權行之權不法忠不忠

罰不服賞不從勞事不震政不成注言行權當有如此時

時字疑誤藝不淫禮有時樂不滿哀不至均不壹惠不忍人凡

此物攘之屬也注物事惠而不忍人人不勝害害不如死

害則死注而猶不如注均一則不和哀至則匱樂滿則

荒禮無時則不貴藝淫則害于才政成則不長事震則寡

功注不長言近淺也震而其功寡矣以賞從勞勞而不至



以法從中則賞賞不必中以權從法則行行不必以知權以法從中以下數句有脫誤以上文推之賞之下當言罰言忠然後終于權也趙云當作以法從賞賞不必中以權從法法則必權權以知微微以知始始以知終**注**言事勢之相權物理之相致如此也

常訓解第三

天有常性人有常順順在可變性在不改**注**學能故可變自然故不改不改可因因在好惡好惡生變變習生常常則生醜醜命生德**注**雖有天性可因其好惡以變之明醜所以命之則德生矣明王于是生政以正之民生而有習有常以習為常以常為慎民若生于中習常為常**注**習常為常如性自然故若生于中也夫習民乃常為自血氣始**注**性本所有而幼小習之若自其血氣生之始也明王自血氣耳目之習以明之醜**注**示之以好惡也醜明乃樂義

樂義乃至上上賢而不窮**注**窮謂不肖之人哀樂不淫民

知其至而至于子孫民乃有古古者因民以順民**注**皆有

經遠之規謂之有古父教子子教孫故曰因也夫民羣居

而無選為政以始之始之以古終之以古**注**言政必敬始

慎終選行也行古志今政之至也政維今法維古頑貪以

疑疑意以兩平兩以參參伍以權權數以多多難以允允

德以慎慎微以始而敬**注**終乃不困**注**重明終始之義左

襄廿五年引慎始而敬終終以不困又中論法象篇亦引困在至誘在王民乃苟苟乃

不明哀樂不時四微不顯六極不服八政不順九德有姦

九姦不遷萬物不至**注**言以全導民政之弊夫禮非剋不

承非樂不竟民是之生□好惡有四徵喜樂憂哀動之以

則發之以文成之以民行之以化**注**以中道化之也六極

命醜福賞禍罰醜舊本作聽譎六極不羸**注**羸謂無常八政和平



八政夫妻父子兄弟君臣八政不逆九德純恪九德忠信  
敬剛柔和固貞順順言曰政順政曰遂遂偽曰姦姦物在  
目姦聲在耳耳目有疑舊本目作因譌又有疑言有樞樞  
動有和和意無等注等謂差等萬民無法□□在赦□復  
在古古者明王奉法以明幽幽王奉幽以廢法奉則一人  
也而績功不同注所行相反故也明王是以敬微而順分  
文酌解第四

民生而有欲有惡有樂有哀有德有則則有九聚德有五  
寶哀有四忍樂有三豐惡有二咎欲有一極注廣演其義  
也極有七事咎有三尼豐有三頻忍有四教寶有五大聚  
有九酌注又敷陳也九酌一取允移人二宗傑以親舊本  
觀今據三發滯以正民趙疑當四貨官以屬五人□必禮  
下注改六往來取此趙疑取此言七商賈易資八農人美利九□  
求其相稱也

寵可動注此言所酌為政之事英傑人當親之也五大一  
大知率謀二大武劔勇三大工賦事四大商行賄五大農  
假貸注率謀言為謀之帥假貸恤貧振施者也四教一守  
之以信二因親就年三取威免楛四樂生身復注就年尊  
長年也威近也免楛無患也三頻一頻祿質潰潰字依宋  
作二陰福靈極三畱身散真注頻數也散失也三尼一除  
戎咎醜二申親考疏三假時權要注尼是也咎罪也考成  
也時是也七事一騰咎信志二援拔瀆謀三聚疑沮事惠  
聚字說文引作彙四騰屬威眾五處寬身降六陵塞勝備  
云眾盛也所臻切七錄兵免戎注騰勝也錄謂不備兵小本戎一極惟事昌  
道開蓄伐注言事事皆以忠政行之則吉昌之道開行而  
征伐之道蓄之也忠政趙謂伐有三穆七信一榦二御三  
安十二來注言征伐之道必有此事可也三穆一絕靈破



城二筮奇昌為三龜從惟凶注絕靈不淫祀也不正而卜

雖從而凶注惠半農云三穆七信一仁之慎散二智之完巧

三勇之精富四族之真賄五商之淺資六農之少積七貴

之爭寵注七者所宜信明之也一榦勝權輿注言有權無

不輿注謝云注謬榦謂榦勝讀平聲權輿始基也立基二

御一樹惠不瘥二既用茲憂注瘥巖也以爲己巖也既盡

瘥字無攷注亦難曉三安一定居安帑二貢貴得布三刑罪布財十

二來一弓二矢歸射注射當可用三輪四輿歸御注言御

可用五鮑六魚歸蓋注積以爲資注鄭注周官籩人臘鮑魚

中糗乾之出注七陶八冶歸竈注言竈善則陶冶良也注良

於江淮也注長趙九柯十匠歸林注林當作材匠以爲用十一竹十二

葦歸時注取之以時所以來人也三穆七信一榦二御三

安十二來伐道咸布物無不落落物取配維有永究注落

始也類也完終也注趙云落如左傳落實取材之落不當訓始急哉急哉後失時

羅匡解第五

成年年穀足賓祭祭以盛注言賓客宗廟足而不奢也注正

年字祭字各衍其一注不奢何本作不儉詰以大馴鍾絕

盛似九切與記所云祭豐年不奢不必強合

服美義注大馴後落淫過注謝云大馴鍾絕注亦難曉義

也注訓淫爲過凡義之所當爲者皆可過盛注早畜約制餘

子務藝注卑廐別名畜則馬約制不常秣餘眾也藝樹也

趙改秣馬食穀也注宮室城廓脩爲備供有嘉菜于是日

滿注嘉善也謂薑蒜之屬滿也注廟與郭同嘉菜本亦作嘉

屬滿之今改正年儉穀不足賓祭以中盛注有黍稷無稻粱樂唯

鍾鼓不服美注外有祭服內無文飾注外內二三牧五庫補

攝注事物相兼不物設也注文昭案三牧當謂戎馬田馬駑



工審五庫之量金鐵一也皮革筋一也凡美不脩餘子務

角齒一也羽箭幹一也脂膠丹漆一也穡于是糺秩注糺之令有事秩年饑則勤而不賓舉祭以

薄注用下牲也樂無鍾鼓凡美禁書不早羣疑畜不車不

雕攻兵備不制民利不淫注攻治文昭案爾雅攻善也謂功緻也征當商

旅以救窮乏問隨鄉不鬻熟注鬻賣正文舊作問隨卿下有鬻塾譌謝云大匡解

則啟奢情故禁之沈解亦同章本亦作鄉不作卿今從改

正分助有匡以緩無者於是救困大荒有禱無祭注饑饉

師旅為大荒也穀梁襄廿四年傳鬼神禱而不祀范國不

稱樂企不滿壑刑罰不脩舍用振穹注不滿壑不于治地

舍用常以振民也鍾伯敬本地作也因疑于治或君親巡

方卿參告糴餘子倅運開注同食民不藏糧日有匡注倅

副也盡行此事名日有匡也左傳振廩同俾民畜唯牛羊

於民大疾惑殺一人無赦注雖有凶疾惑而相殺者不赦

也男守疆戎禁不出五庫不膳喪禮無度察以薄資注戎

事自守而已不征伐也喪儉也而速喪察用注諛脫禮無

樂宮不幃嫁娶不以時賓旅設位有賜注不以時秋冬也

媒氏會注合之賓旅隨位賜之不饗燕案媒氏司男女

會之蓋荒政十有二多昏亦其一也注所脫之無夫家者而

蓋不止二字又饗燕本多作錫燕今從何本



逸周書卷第一

順德龍鳳鏤校棊

逸周書卷第二

晉 孔 晁 注

武稱解第六

允文解第七

大武解第八

大明武解第九

小明武解第十

大匡解第十一

程典解第十二

程寤解第十三

秦陰解第十四

九政解第十五

九開解第十六

劉法解第十七

文開解第十八

保開解第十九

八繁解第二十

武稱解第六

大國不失其威小國不失其卑敵國不失其權注此即所謂稱也距嶮伐夷距嶮與距險同并小奪亂強攻弱而襲不正



武之經也

**注**

經常伐亂伐疾伐疫武之順也

**注**

武道逆取

順守故曰順也賢者輔之亂者取之作者勸之怠者沮之

忍著懼之欲者趣之武之用也

**注**

武以為用事也美男破

老美女破舌

**注**今戰國秦策引此二句破舌作破少唯高誘所注本與此同

淫圖破口淫

巧破時淫樂破正淫言破義武之毀也

**注**

凡行此事所以

毀敵國也赦其眾遂其咎撫其口助其囊武之間也

以分而照其儲以伐輔德追時之權武之尚也

**注**

以分謂

以分器土田餽之此術春違其農秋伐其穡夏取其麥冬

寒其衣服春秋欲舒冬夏欲亟武之時也

**注**

寒衣為敗其

絲麻冬夏寒暑盛故欲疾之

**注**疾舊作度案正文云冬長夏欲亟亟疾也故改為疾

勝短輕勝重直勝曲眾勝寡強勝弱飽勝飢肅勝怒先勝

後疾勝遲

**注**怒忿兵也古人謂敬可以攝勇與此肅勝怒先勝怒意同趙疑怒是怠之誤遲本或作徐

勝也

**注**

肅敬也追戎無恪窮寇不格

**注**

格鬪也力倦氣竭

乃易克

**注**乃易克上疑脫一字趙疑是敵字

武之追也

**注**

追敵之法既勝人

舉旗以號令命吏禁掠無取侵暴爵位不謙田宅不虧各

盜其親民服如化武之撫也

**注**

謙損也盜安也案謙當與滅同百

姓咸服偃兵興德夷厥險阻以毀其服四方畏服奄有天

下武之定也

**注**

毀武謂毀服之案注言毀武則正文以毀其服服當作武且與上下

**注**何韻皆協惠云左氏傳楚莊王曰夫武禁暴戢兵保大定功安民和眾豐財者也七者皆具此篇中

允文解第七

思靜振勝允文維記

**注**

以靜規勝康文紀武昭告周行維

旌所在

**注**

旌旗治亂所在收武釋賄無遷厥里官校屬職

因其百吏

**注**

收其戎器不取賄因其官吏無敢改公貨少

多振賜窮士救瘠補病賦均田布

**注**

主施赦布政也命夫

復服用損憂取孤寡無告獲厚咸喜

**注**

損除憂恥謂赦罪

振窮敷大惠也咸問外戚書其所在遷同氏姓位之宗子



**注**誅其君為之主口及羣臣宗主幸用十五綏用口安文昭  
案夏小正綏多女士此當是綏敎用顯允若得父母**注**懷  
其德政也寬以政之孰云不聽聽言靡悔遵養時晦**注**養

時闇昧而誅之晦明遂語于時允武死思復生生思復所  
**注**使昧者脩明而遂告以信武也人知不棄愛守正戶上  
下和協靡敵不下**注**人守正戶言不逃亡執彼玉珪以居

其宇庶民咸畊童壯無輔無拂其取通其疆土民之望兵  
若待父母**注**彼謂亂邦之君是故天下一旦而定有四海  
大武解第八

武有六制政攻侵伐搏戰**注**政者征伐之政善政不攻善  
攻不侵善侵不伐善伐不搏善搏不戰**注**言廟勝也北堂  
書鈔一百十三引周書七制一日征二日攻三日侵四日伐五  
日陣六日戰七日鬪善征不侵善侵不伐善伐不陣善陣  
不鬪善鬪不敗與此不同政有四威五和攻有四攻五良  
書鈔善征不侵句有脫字

侵有四聚三斂伐有四時三興搏有三哀四赦戰有六厲

五衛六庠五虞**注**此皆有義然後能致其攻四威一內姓

二外婚三友朋四同里**注**言所宜親也五和一有天無惡

二有人無鄰同三同好相固四同惡相助五遠宅不薄**注**

雖遠居皆厚之文昭案戰國策黃歇說秦引詩云大武遠

梁云大武遠宅不涉國策鮑吳兩注及史記正此九者政

義所解各不同與此文不合似未可牽連也

之因也**注**言因此以成政也四攻者一攻天時二攻地宜

三攻人德四攻行利**注**攻謂奪其計使不成也五良一取

仁二取智三取勇四取材五取藝**注**所務來而任之良當

為來字之誤也舊本作良當為此九者攻之開也**注**言開

此道以成攻也四聚一酌之以仁二懷之以樂三勿聚封

人四設圍以信三斂一男女比二工次三祗人死**注**祗敬

此七者侵之酌也**注**言酌此法以成侵也四時一春違其



農二夏食其穀三秋取其刈四冬凍其葆此皆所用以

敵也凍謂發露其葆聚舊本作此皆所用以敵三興一

政以和時二伐亂以治三伐飢以飽此所行當之也此

七者伐之機也機要也以此要成其伐也三哀一要不

羸二喪人三擯厥親哀敵人之困窮如此要當為惡擯

一作損文昭案所當哀者羸病者也失位者也六親不能

羸當作不羸不足也下文必羸程四赦一勝人必羸二取

榮本誤作必羸可知此字亦譌威信復三人樂生身四赦民所惡

皆赦救也此七者搏之來也所以懷來之也六厲一仁

厲以行二智厲以道三武厲以勇四師厲以士五校正厲

御六射師厲伍厲為治政也五衛一明仁懷恕二

明智輔謀三明武攝勇四明材攝士五明藝攝官皆所

以成戰矣案尚有六庠闕五虞一鼓走疑二備從來三佐車舉旗

四采虞人謀虞人趙五務動撻之撻從也皆求安道令

之道注道令二字無競惟害有功無敗雖強常念害則

不敗也

大明武解第九

畏嚴大武曰維四方畏威乃寧大武之道四方畏威天

下乃寧之也寧之言天作武脩戎兵以助義正違正順

其義順天行五官官候厥政謂有所亡五官舉大官之

言亡無也此五官當即曲禮所云司徒司馬城廓溝渠高

厚是量謂敵人所處也既踐戎野各本戎作戌備慎其

殃敬其嚴君乃戰赦言當明耳目遠斥候十藝必明加

之以十因靡敵不荒荒敗也陣若雲布侵若風行輕車

翼衛在戎二方奔敵之陣如此我師之窮靡人不剛

知敵之強乃剛勇也文昭案此即韓信為背水十藝一大



援二明從三餘子四長興五伐人六刑餘七三疑文昭案三當為

八間書九用少十興怨注刑餘赦徒用少者省費興怨

離構也十因一樹仁二勝欲三賓客四通旅五親戚六無

告七同事八程巧九注能十利事注凡成皆有因也勝欲

以義勝欲藝因伐用是謂強轉應天順時時有寒暑注言

時有難易也風雨飢疾民乃不處移散不敗農乃商賈委

以淫樂賂以美女注謂扇動之使沈惑也主人若杖注至

城下高堙臨內日夜不解注杖謂堅也方陳竝功云何能

禦注功與攻同梁處素云雖易必敬是謂明武注禦當也城

高難平湮之以土開之以走路俄傳器櫓注湮土謂為土

山以臨之也注此湮字與下湮溪皆壘塞之義亦與堙通用

之字疑衍趙云傳當注左傳井湮木刊从水堙之傳于堙从土開之

為傳音附著城也注因風行火障水水下惠用元元文誨

其寡注言務口恤刑也劫隨外權隳城湮溪老弱單處其

謀乃離

注

單處謂無保鄣

離舊本作難今依惠半農定為

今並

既克和服使眾咸宜竟其金革是謂大夷注咸皆夷

平

小明武解第十

凡攻之道必得地勢以順天時觀之以今稽之以古注兵

凶器戰危事故以詳順之稽攷也攻其逆政毀其地阻立

之五教以惠其下注五教五常之教也矜寡無告寔為之

主五教允中枝葉代興注為之君枝葉謂眾善政也案正文代

興當是代舉方與上下韻協興雖可與中協然獨二句間隔非是國為偽巧後宮飾女荒

田逐獸田獵之所游觀崇臺泉池在下淫樂無既百姓辛

苦注言凡有此事皆可伐上有困令乃有極注上困下騰

戎遷其野敦行王法濟用金鼓注濟成也言以金鼓濟其

伐降以列陳無免怒注文昭案悅與懽懽同當訓為憤怒



句按道攻巷無襲門戶注言不赦有罪怒伐無辜襲掩也

漢武帝封韓說無受貨賂攻用弓弩上下禱祀靡神不下

具行衝梯振以長旗注先祈禱而後攻戰也懷戚思終左

右憤勇無食六畜無聚子女羣振若雷造于城下鼓行參

呼以正什伍注言士卒之奮厲也元本何本若上有軒冕

斧鉞狂下勝國若化故曰明武注軒冕所以為賞也

大匡解第十一

維周王宅程三年遭天之大荒注程地名在岐州左右後

以為國初王季之子文王因焉而遭饑饉後乃徙豐焉趙

竹書紀年文丁五年王季作程邑帝辛三十三年文王遷于程三十五年周大饑正與此合作大匡以

詔牧其方三州之候咸率注文王初未得三分有二故三

州也率謂奉順也王乃召冢卿三老三吏大夫百執事之

人朝于大庭注冢卿孤卿三吏三卿也大庭公堂之庭問

罷病之故政事之失刑罰之戾哀樂之九注戾罪九過賓

客之盛用度之費及闕市之征山林之匱田宅之荒溝渠

之害注匱荒害皆謂官不修無征注征趙疑是政怠墮之過驕頑

之虐水旱之菑注皆以為失之者曰不穀不德政事不時

國家罷病不能胥匡二三子不尙助不穀官考厥職鄉問

其人注不尙尙也問人政得失案注云不尙尙也舊正因

其耆老及其總害惠半農疑慎問其故無隱乃情注總眾

人也及某日以告于廟有不用命有常不赦注明日王至

廟告常者常刑也王既發命八食不舉百官質方口不食

饗注王不舉樂百官徹膳以思其職方道及期日質明王

麻衣以朝朝中無采衣注此凶服自居為荒變文昭案凶

居一焉詩云麻衣如雪蓋純素也王有朝服官考其職鄉

其下非列采不入公門今而如是故云凶服

問其利因謀其菑旁匡於眾無敢有違注眾眾民也百官



注

率職故無違詰退驕頑方收不服慎惟怠墮什伍相保

方收方方收其不服化者也注方方舊本止一動勸游居

事節時茂農夫任戶戶盡夫出注茂勉也言無戶不出夫

以勸農農廩分鄉鄉命受糧程課物徵躬競比藏注農人

藏穀於廩分在諸鄉合課程比藏者比方其收藏也注合

或作命然命課程亦有譌脫注藏不粥糶糶不加均賦酒其幣鄉正保貸

糧不加均多從所有不限也酒散也幣以糶以資窮也

成年不償信誠匡助以輔殖財注名日貸而不償所以生

殖民財也財殖足食克賦為征數注以食食均有賦注均

民足食而征其賦以入官也數之元外食不贍開關

通糧糧窮不轉孤寡不廢注窮征困內不轉出外也滯不

轉畱戍城不畱注足以守出旅分均馳車送逝旦夕運糧

注不戍者不令畱足以守之眾皆共運之也於是告四

方遊旅苟生忻通津濟道宿所至如歸注有告者窮者有

所歸也幣租輕乃作母以行其子注以貴重為母謂錢幣

之屬易資貴賤以均遊旅使無滯注非但租賦作母行子

遊旅易資亦然無粥熟無室市權內外以立均無蚤莫閭

次均行注均平民財行之無早晚之常也均行眾從積而

勿注以罰助均無使之窮平均無乏利民不淫注雖積賞

進有無不隄防之使民有過者罰其穀幣其穀幣通以助

均無播蔬無食種注可食之菜日蔬以數度多少省用注

國家常用祈而不賓祭服漱不制注不賓殺禮不制不造

新也車不雕飾人不食肉畜不食穀注畜謂馬也國不鄉

射樂不牆合牆合即所謂牆屋有補無作注皆為荒降之

也資農不敗務注農務不廢棄也一作農桑非公卿不賓

賓不過具注唯賓公卿酒食而已哭不畱日登降一等注



留盡也降一等為荒廢之也注廢當庶人不獨葬伍有植送往迎來亦如之注均恤興迎亦如植其送迎亦相較也有不用命有常不違

程典解第十二

維三月既生魄文王合六州之侯奉勤于商注三分天下有其二以伏事殷也伏與商王用宗讒震怒無疆注宗眾

疆境也謝云宗不當訓眾六州歸化安得眾人讒之當諸侯不娛一本作虞逆諸文王文王弗忍乃作程典以命三

忠注娛樂也不忍從諸侯即王位所以為至德典常也趙當是諸侯勸文王叛商於上下文俱協若作勸即王位恐非特文王不為諸侯亦不敢為文王言之也注未典常也舊作常典也係日助余體民無小不敬如毛在躬拔之痛誤倒謝改正

無不省注毛以喻小也無不省故宜敬小也舊本注次小從沈改失患作作而無備死亡不誠誠在往事備必慎備

思地思地慎制思制慎人思人慎德德開開乃無患注以

往事誠將來開通言德合也慎德必躬恕恕以明德德當

天而慎下注以慎道教天下下為上貨力競以讓讓德乃

行注以讓為化慎下必翼上上中立而下比句爭省句和

而順此下舊有慎同二字乃校攜乃爭和乃比注翼敬也

中立謂無比也比事無政無政無選無選民乃頑頑乃害

上注無雋選之士在官故頑民害上故選官以明訓頑民

乃順慎守其教小大有度以備菑寇注小大吉凶也協

其三族固其四援明其伍左氏昭廿三年傳明其伍侯五侯山侯澤侯林侯川侯平地侯賈服王董皆作五侯王肅曰也杜預以部伍侯望解之非是習其武誠依其山川通

其舟車利其守務注脩文教誠武備聖王之事士大夫不

雜于工商注使各專其業商不厚工不巧農不力不可成

治必善其事治乃成也注商不厚趙云當作不願舊本士



之子不知義不可以長幼注有土行之義方為土工不族  
居不足以給官族不鄉別不可以入惠注族謂羣也不別  
其鄉難以行其惠也舊作雖不別其鄉所以行其惠也語意相反非是今訂正為上不  
明為下不順無醜注言國無恥醜也謝云醜當訓類注似誤解輕其行  
多其愚不智注不重其行自多其愚何智之有正文不智舊本多作  
不習今依慎地必為之圖以舉其物物其善惡注別其地  
所生物之善惡也度其高下利其陂溝愛其農時脩其等  
列務其土實注務其勤樹藝也舊本藝誤差其施賦設得  
其宜宜協其務務應其趣注言其所施當也慎用必愛工  
攻其材商通其財百物鳥獸魚鼈無不順時注順時所為  
愛之也生穡省用不濫其度津不行火藪林不伐注濫過  
也非時不火不伐也牛羊不盡齒不屠注老不任用食之  
土勸不極美土一本美不害用用乃思慎口備不敬不意

多口用寡立親用勝懷遠遠格而邇安注多用謂振施也

於安思危於始思終於邇思備於遠思近於老思行不備

無違嚴戒注必有忍乃有濟也終謂終其義也格至也謝

注必有忍句引用無謂疑正文有脫句文昭案注終其

義下舊衍之字今從下本刪又格至也當是上文注

程寤解第十三亡今以太平御覽卷三百九十七又卷五

文王去商在程正月既生魄太姒夢見商之庭產棘小子

發取周庭之梓樹于闕閒化為松柏棫柞寤驚以告文王

文王乃召太子發占之于明堂王及太子發竝拜吉夢受

商之大命于皇天上帝案帝王世紀作十年正月又以告

命祝以幣告于宗廟羣神然後占之干明堂及發竝拜吉

夢遂作程寤見御覽八十四當亦本諸周書及發上有脫

字

秦陰解第十四亡

九政解第十五亡



九開解第十六 亡

劉法解第十七 亡

文開解第十八 亡

保開解第十九 亡

八繁解第二十 亡

逸周書卷第二

順德龍鳳鏤校琫

逸周書卷第三

晉 孔 晁 注

鄆保解第二十一 大開解第二十二

小開解第二十三 文倣解第二十四

文傳解第二十五 柔武解第二十六

大開武解第二十七 小開武解第二十八

寶典解第二十九 豐謀解第三十

寤倣解第三十一 武順解第三十二

武穆解第三十三

豐保解第二十一

維二十三祀庚子朔九州之侯咸格于周王在豐昧爽立  
于少庭王告周公旦曰嗚呼諸侯咸格來慶辛苦役商吾  
何保守何用行且拜手稽首曰商為無道棄德刑範欺侮



羣臣辛苦百姓忍辱諸侯莫大之綱福其亡亡人惟庸王  
 其祀德純禮明允無二卑位柔色金聲以合之王乃命三  
 公九卿及百姓之人日恭敬齊潔咸格而祀于上帝商饋  
 始于王因饗諸侯重禮庶吏出送于郊樹昏于崇內備五  
 祥六衛七厲十敗四葛外用四蠹五落六容七惡五祥一  
 君選擇二官得度三務不舍四不行賂五察民困六衛一  
 明仁懷恕二明智設謀三明戒攝勇四明才攝士五明德  
 攝官六明命攝政案此六衛與前卷大武解有相同者明  
 智設謀前卷作明智輔謀又明戒攝勇  
 戒本或作武明德攝官本或作明藝法官疑皆後人以前  
 卷改易此文也趙云明戒以攝其勇則知方而不妄逞明  
 德以攝其官則在官者  
 皆以實心行實政矣七厲一翼勤厲務二動正厲民三  
 靜兆厲武四翼藝厲物五翼言厲復六翼敬厲眾七翼知  
 厲道十敗一佞人敗樸二詔言毀積三陰資自舉四女貨  
 速禍文昭案此即左傳叔向  
 之所云女富溢尤也五比黨不揀不揀不知  
 所擇也六佞

說驚獄

謝云亦即左傳叔向所云鮒也驚獄

七神龜敗卜

趙云此如詩所云我龜既厭不我告

猶八賓祭推穀九忿言自辱十異姓亂族四葛一葛其農

時不移二費其土慮不化三正賞罰獄無姦奇梁處素云姦奇即姦

邪文昭案奇當如奇請它比之奇四葛其戎謀族乃不罰四蠹一美好怪

奇以治之二淫言流說以服之三羣巧仍興以力之四神

巫靈寵以惑之五落一示吾貞以移其名二微降霜雪以

取松柏三信螭萌莫能安宅惠云周禮占夢舍萌于四方眠殿掌安宅敘降四厚

其禱巫其謀乃獲五流德飄枉以明其惡六容一游言二

行商工三軍旅之庸四外風之所揚五困失而亡作事應

時時乃喪罔本或作罔六厚使以往來其所藏七惡一以物角

兵二令美其前而厚其傷三閒於大國安得吉凶四交其

所親靜之以物則以流其身五率諸侯以朝賢人而已猶

不往六令之有求遂以生尤七見親所親勿與深謀命友



人疑且拜曰嗚呼王孫其尊天下適無見過過適無好自益以明而迹嗚呼敬哉視五祥六衛七厲十敗四葛不脩國乃不固務周四蠹五落六容七惡不時不允不率不緩緩本或作緩或作緩皆譌疑當作緩反以自薄嗚呼深念之哉重維之哉不深乃權不重從權乃慰不從乃潰潰不可復戒後人其用汝謀王曰允哉次潰字舊本作潰沈云當作潰又舊本複出復戒後人四字係因上誤衍

大開解第二十二

維王二月既生魄王在鄴立于少庭兆墓九開開厥後人八做五戒八做一□且于開二躬脩九過三族脩九禁四無競維義五習用九教六□用守備七足用九利八寔用懷□五戒一祇用謀宗二經內戒工三無遠親或四雕無薄□五禱無憂玉及為人盡不足王拜做我後人謀競不可以藏戒後人其用汝謀維宿不悉日不足

小開解第二十三

維三十有五祀五念日多□正月丙子拜望食無時汝開後嗣謀曰嗚呼于來後之人余聞在昔日明明非常維德曰為明食無時汝夜何脩非躬何慎非言何擇非德嗚呼敬之哉汝恭聞不命賈粥不讎謀念之哉不索禍招無日不免不庸不茂不次人菑不謀迷弃非人迷弃俗本作遷棄今從元本朕聞用人不以謀說說惡詔言詔音叨疑也或作詔亦通色不知適適不知謀謀泄汝躬不允嗚呼敬之哉後之人朕聞曰謀有其軒如乃而舍人之好惠云如讀若而讀曰佚而無窮貴而不傲富而不驕兩而不爭聞而不遙遠而不絕窮而不匱者鮮矣汝謀斯何嚮非翼維有共积积亡重大害小不堪柯引維德之用用皆在國謀大鮮無害嗚呼汝何敬非時何擇非德德积維大人大人积維公公积維卿卿积維大夫大夫



積維士章懷注後漢書引此作周書呂刑篇舊文脫者今據章懷注補正注云積者言上下相維遞為藩蔽也登登皇皇君積維國舊闕君字今從沈補國積維都都積維邑邑

積維家家積維欲無疆動有三極用有九因因有四威五私極明與與有畏勸汝何異非義何畏非世何勸非樂謀

獲三極無疆動獲九因無限務用三德順攻奸言彼翼翼在意何時德春育生素草肅疏數滿肅本或作蕭夏育長美

柯華務水潦秋初藝不節落冬大劉倍信何謀本口時歲至天視嗚呼汝何監非時何務非德何興非因何用非極

維周于民人謀競不可以後戒後戒宿不悉日不足文傲解第二十四

維文王告夢懼後祀之無保庚辰詔太子發曰汝敬之哉民物多變民何嚮非利利維生痛痛維生樂樂維生禮禮維生義義維生仁嗚呼敬之哉民之適敗上察下遂信何

嚮非私私維生抗抗維生奪奪維生亂亂維生亡亡維生

死嗚呼敬之哉汝慎守勿失以詔有司夙夜勿忘若民之嚮引汝何慎非遂何慎舊本倒今改正遂時不遠非本非標非微非

輝壤非壤不高水非水不流嗚呼敬之哉倍本者槁汝何葆非監不維一保監順時維周于民之適敗無有時蓋後

戒後戒謀念勿擇文傳解第二十五

文王受命之九年時維莫春太平御覽百四十六所引同今本詩正義作維莫之春在鄙召太子發曰嗚呼我身老矣吾語汝我所保與我所

守傳之子孫吾厚德而廣惠忠信而志愛人君之行注四者君德玉海卅一引作厚德廣惠忠信愛人君子之行不為驕侈不為泰靡不淫

于美括柱茅茨為民愛費注言務儉也因就木枚日括與括楹之刮同御覽柱即作楹注木枚俗本誤作不決亦從御覽改山林非時不升斤斧以



成草木之長川澤非時不入網罟以成魚鼈之長自在韻

發至此皆依太平御覽卷八十四卷百四十六卷參校補正舊本吾語汝下作所保所守守之故無下兩而字與御覽百四十六同川澤非時不入網罟御不麇不卵以成鳥獸覽八十四作而順天時水澤不內舟

之長說文引云不卵不蹏以成 吹漁以時童不天胎馬不

馳驚土不失宜注言土地所宜悉長之御覽八十四引此云吹獵唯時不殺

童牛不天胎童牛不服童馬不馳不驚澤不行害土不失其宜萬物不失其性天下不失其時藝文類聚亦引童牛

不服童馬不馳土不失其宜萬物不失其性天下不失時以成萬材萬材已成牧以為人天下利之而勿德是謂大

仁案萬物不失其性以下土可犯材可蓄潤溼不穀樹之今多見下卷大聚解中

竹葦莞蒲礫石不可穀樹之葛木以為絺綌以為材用注

所為土不失宜正文木一本作藟非絺綌謂葛也故凡土材用謂木也注所為疑是所謂

地之間者聖人裁之竝為民利是魚鼈歸其泉鳥歸其林注

取之以時不天胎故正文是下疑當 孤寡辛苦咸賴其生注

得所生長材用山以遂其材山下疑當 工匠以為其器百

物以平其利商賈以通其貨注無二德也工不失其務農

不失其時是謂和德注和故不失土多民少非其土也土

少人多非其人也是故土多發政以漕四方四方流之注

漕轉流歸言移內入也入舊作 土少安帑而外其務方輸注

注外設業而四民方輸穀注民而四方輸穀夏箴曰中不容

利民乃外次注夏禹之箴戒書也利福業次舍於田注舊

福二字又次舍二字 開望曰土廣無守可襲伐土狹無食

可圍竭二禍之來不稱之災注開望古書名也政以人土

相稱為善也潛夫論實邊篇引周書曰土多人少莫出其

可遺竭也是故土地人民必可襲伐也土少人眾民非其民

相稱也遺竭疑是匱竭之誤天有四殃水旱饑荒其至無

時非務積聚何以備之注積材用聚穀蔬夏箴曰小人無

兼年之食遇天饑妻子非其有也大夫無兼年之食遇天

饑臣妾輿馬非其有也注古者國家三年必有一年之儲



非其有言流亡也御覽三十五引此作夏歸藏譌案墨子七患篇引周書曰國無三年之食者國非其國也家無二年之食者子非其子也胡廣戒之哉弗百官箴敘日墨子著書稱夏箴之辭即謂此也思弗行至無日矣注言不遠也不明開塞禁舍者其如天

下何注不明謂失其機人各脩其學而尊其名聖人制之

注制而業用故諸橫生盡以養從謝云脫一生字從生盡以養一

丈夫注橫生萬物也從生人也一丈夫天子也言兆民養

天子也注養字舊譌無殺天胎無伐不成材無墮四時如

此者十年有十年之積者王注通三十年之計也趙云三

通惟謂耕耳此兼言庶物如此者十年承上有五年之積

即貫下但當就十年作解可耳注非是者霸無一年之積者亡注通十五年之計有五年之積也

亡為無國家生十殺一者物十重生一殺十者物頓空十

重者王頓空者亡注生多到重生少到空兵強勝人人強

勝天能制其有者則能制人之有注勝天勝有天命不能

制其有者則人制之注術自取之令行禁止王始也出一

日神明出二日分光注政有二名分君之明光亦明也王始

疑是王治注名出三日無適異出四日無適與無適與者

亡注君臣無適異民無適與不亡何待也

柔武解第二十六

維王元祀一月既生魄王召周公旦曰嗚呼維在文考之

緒功注此文王卒之明年春也維周禁五戎五戎不禁厥

民乃淫注此成周也而謂之戎言五者不禁戎之道也一

日土觀幸時政匱不疑二日獄讎刑蔽姦吏濟貸注濟貸

成其貨也三日聲樂注飾女滅德四日維勢是輔維禱

是怙五日盤游安居枝葉維落注輔注怙恃盤游安居皆

害之術輔怙恃疑當注五者不距自生戎旅故必以德為

本以義為術以信為動以成為心以泆為計以節為勝注



言以德為本以節為勝距戎之本也正文以成趙疑是以誠案注但舉首末兩語亦有譎疑當作言務在審時紀綱為序和均口里以匡以德為距戎之本也辛苦注匡正也辛苦窮也見寇口威靡適無口勝國若化不動金鼓善戰不關故曰柔武四方無拂奄有天下注拂違也言感也奄宋本作掩謝云當作奄注言感也元本作言感也

大開武解第二十七

維王一祀二月王在豐密命注密人及商紂謀周大命如

君不密之密注訪于周公旦曰嗚呼余夙夜維商密不顯

誰和注言欲以毀送之商密告歲之有秋今余不獲其落

若何注和捐萬物而商密欲擯我周不得其落恐將亡文

案此蓋以田事為喻也後云秋而不獲正是一意篇中無一語及密人序云武王忌商亦不及密上云密不顯誰和蓋云茲事密不顯誰其與我合意者注乃云欲以毀送之商密聖人豈有此意哉毀而傲懼毀其足以亡人國乎甚矣注之周公曰茲在德敬在周其維天命王其敬命注言

天命在周當敬命而已遠威無十和無再失維明德無佚

注所親近疏遠也再失為復失也注為當佚不可還維文

考恪勤戰戰何敬何好何惡時不敬殆哉注言一佚不可

還故念文王所敬王拜曰允哉余聞國有四威五和七失

九因十淫非不敬不知注言非不欲敬而未知所聞欲知

之也今而言維格余非廢善以自塞維明戒是祗注而汝

格至也是祗敬之周公拜曰茲順天天降寤于程程降因

于商商今生葛葛右有周注言天寤周以和商謀商朝生

葛是祐助周也趙云降寤于程蓋維王其明用開和之言即指太妣之夢

言孰敢不格注可否相濟日和欲其開臣以和則忠告之

言無不至也四威一內同外二外婚姻三官同師四哀同

勞五和一有天維國二有地維義三同好維樂四同惡維

哀五遠方不爭注以文德來遠七失一立在廢二廢在祗



三比在門四詔在內五私在外六私在公七公不違注立  
 所廢則功多廢所敬則不見疑口比詔近公私干錯公法  
 不能違之所謂失趙云立在廢立者在所廢也廢  
 在祇廢者在所敬也注不可曉九因一  
 神有不饗二德有不守舊作所三才有不官四事有不均  
 五兩有必爭六富有別七貪有匱八好有遂九敵有勝注  
 此皆因其事而以誤彼國也趙云因乃因利乘便十淫一  
 淫政破國動不時民不保二淫好破義言不協民乃不和  
 三淫樂破德德不純民乃失常四淫動破醜醜不足民乃  
 不讓五淫中破禮禮不同民乃不協六淫采破服服不度  
 民乃不順七淫文破典典不式教民乃不類八淫權破故  
 故不法官民乃無法九淫貸破職百官令不承十淫巧破  
 用用不足百意不成嗚呼十淫不違危哉今商維茲注言  
 商紂所行如此十者之所蔽其唯第茲命不承殆哉注不

幸天命則危殆也若人之有政令廢令無赦乃廢天之命  
 訖文考之功緒忍民之苦不祥注廢政令罪不赦而乃廢  
 天命口父之業忍民患是不祥也若農之服田務耕而不  
 耨維草其宅之既秋而不獲維禽其饗之人而獲飢云誰  
 哀之注草居之是農不脩也獸食之是飢也已自取之是  
 時矜之父業之遵正文不獲沈改不獲又云字舊譌去今  
 有脫文蓋即官播官穫之意周公欲武王王拜曰格乃言  
 繼承文考之功緒也王是以拜受其言王拜曰格乃言  
 嗚呼夙夜戰戰何畏非道何惡非是不敬殆哉注王心以  
 周公言為至故拜也

小問武解第二十八

維王二祀一月既生魄王召周公旦曰嗚呼余夙夜忌商  
 不知道極敬聽以勤天命周公拜手稽首曰在我文考順  
 明三極躬是四察循用五行戒視七順順道九紀注皆文



王所行之三極既明五行乃常四察既是七順乃辨明勢  
天道九紀咸當順德以謀罔惟不行注言化道大行也三

極一維天九星二維地九州三維人四左注九星四方及

五星也四左疏附禦侮奔走先後是也惠云文選注引周

星之光周公曰星辰日月四時歲是謂九星文昭案文選

注三十六所云乃九紀也孔以經緯釋九星甚當他說皆

不足取又四左成開解作四四察一目察維極二耳察維

聲三口察維言四心察維念注四者當所必察真偽五行

一黑位水二赤位火三蒼位木四白位金五黃位土注言

其所順而勤勤疑當作勤七順一順天得時二順地得助三順

民得和四順利財足五順得助明謝云疑是六順仁無失

七順道有功注順天時得天道順道有功得人功九紀一

辰以紀日二宿以紀月三日以紀德四月以紀刑注日月

之會日辰甲乙十者于四方以紀日宿次十二紀十二月

次日為禮月為法也五春以紀生六夏以紀長七秋以紀

殺八冬以紀藏九歲以紀終注四時終則成歲時候天視

可監時不失以知吉凶注天視言視天時王拜曰允哉余

間在昔訓典中規非時罔有恪言日正余不足注謙以受

惠云恪即古文恪字

寶典解第二十九

維王三祀唐書引作元祀二月丙辰朔王在鄙召周公旦曰嗚呼

敬哉朕聞曰何脩非躬躬有四位九德注言脩身以四位

九德也何擇非人人有十茲注凡人所不能免者何有非

謀謀有十散不圍我哉注圍禁也惠云圍讀日禦何慎非言言有

三信信以生寶寶以貴物物周為器注周用之為器美好

寶物無常維其所貴信無不行注貴在周用行之以神振

之以寶順之以事明眾以備改口以庸庶格懷患注言治



實以器用四位一日定二曰正三曰靜四曰敬位不哉  
 靜乃時非正位不廢定得安宅注丕大也時非待時不動  
 九德一孝子畏哉乃不亂謀二悌悌乃知序序乃倫倫不  
 騰上上乃不崩注不騰不越不相超越三慈惠知長幼知  
 長幼樂養老舊慈惠下有茲字謝云因四忠恕是謂四儀  
 風言大極意定不移注儀言也五中正是謂權斷補損知  
 選六恭遜是謂容德以法從權安上無慝注選數慝惡七  
 寬弘是謂寬字準德以義樂獲純嘏注純大也嘏大也謂  
 之大大之福八溫直是謂明德喜怒不劫主人乃服注劓  
 間也九兼武是謂明刑惠而能忍尊天大經九德廣備次  
 世有聲注長有令問十姦謝云十姦當作十干古字姦作  
 一窮注干靜二酒行干理三辯惠干智四移潔干清五死  
 勇干武注實少而名多日移也六展允干信惠云外傳云  
 展而不信

昭云展誠也誠謂復言非忠信之道七比譽于讓八阿眾干名九專愚干果

十愎孤干貞注十者皆不誠之行故曰姦十散一廢

□□行乃泄□□□□□□□□三淺薄間瞞其謀乃獲

四說哖輕意乃傷營立五行恕而不願弗憂其圖注間瞞

不察謂所謀也文昭案說哖當即悅佛皆謂不厚重所謀一作聽謀六極言不度其

謀乃費極言不度謂汗漫也七以親為疏其謀乃虛八心私慮適百

事乃僻九愚而自信不知所守十不釋太約見利忘親注

適單也言十者皆散汝成三信一春生夏長無私民乃不

迷二秋落冬殺有常政乃盛行三人治百物物德其德是

謂信極注言其信至而其余也四字趙疑衍信既極矣嗜欲

任任不知義欲任美好有義是謂生寶注以義為寶周公

拜手稽首興曰臣既能生寶恐未有子孫其敗注有□其

心恐有寶而子孫不能有以致治也舊本注脫孫不二字趙增既能生



寶未能生仁恐無後親王寶生之恐失王會道維其廢注會所當會之寶王拜曰格而言維時余勸之以安位教之注廣注安位謂信有得用寶而亂亦非我咎上設榮祿不患莫仁注言以榮祿祿口仁也則用是榮人也仁以愛祿允維典程既得其祿又增其名上下咸勸孰不競仁維子孫之謀寶以為常注言仁人以愛祿為常法則人皆競仁欲愛子孫謀此為常

豐謀解第三十

維王三祀王在豐謀言告聞注自文王受命至此十年也知敵情向人問人日以紂謀告武王也注十年趙云是十年向人問下舊本作人日謀以紂問豐王召周公旦日嗚呼商其咸辜維日望謀建功謀言多信今如其何注言商君臣皆罪周日望以周建功也周公日時至矣乃興師循故注言可伐紂

之時至謂循古法

趙云循故謂循用湯之故事即世傳解所云脩商人典以斬紂身者也初

用三同一滅取同二任用能三矢無聲注矢誓言誓眾以

盡心也三讓一近市二賤粥三施資注以財讓也近來民

市旅資以思也疑當作施資以惠也三虞一邊不寢內二道不歐牧

三郊不留人注虞樂也設此三禁所以悅民王日嗚呼允

從三三無咈厥微可因注言三讓三同三虞無違言善徵

可用以立功也與周同愛愛微無疾疾取不取疾至致備

注疾惡由禱不德不德不成害不在小終維實大悔後乃

無注曲為非義神不德之帝命不詔應時作謀不敏殆哉

周公日言斯允格誰從己出出而不允乃蓄注帝天也詔

僭也敏疾也往而不往乃弱士卒咸若周一心注不往則

是弱一心則應時也舊本應作不

寤傲解第三十一舊本皆作寤敬敬亦與傲通管子立政篇敬山澤敬同傲訓為戒也



維四月朔王告傲召周公旦曰嗚呼謀泄哉今朕寤有商驚予言夢為紂所伐故驚欲與無則欲攻無庸以王

不足戒乃不興憂其深矣戒不興言所憂不從戒中來

也周公曰天下不虞周驚以寤王王其敬命奉若稽古維

王虞度若順克明三德維則三德剛柔正直威和遠

人維庸和近人則遠人用攻王禱赦有罪懷庶有茲封

福庶眾封大監戒善敗護守勿失無虎傅翼將飛入邑

擇人而食入邑舊作入宮今從韓非子難勢篇所引改不驕不恠時乃無敵

此是義也王拜曰允哉余聞曰維乃子謀謀時用臧不泄

不竭維天而已聞古言也天道無常余維與汝監舊之

葆咸祇曰戒戒維宿言戒于心宿古文夙

武順解第三十二

天道尚左日月西移地道尚右水道東流舊左右互易人今從博物志

道尚中耳目役心言耳目為心所役也心有四佐不和

日廢四佐脾腎肺肝也地有五行不通日惡金木水

火土更相生天有四時不時曰凶天道曰祥地道曰義人

道曰禮知祥則壽知義則立知禮則行言其相通禮義

順祥曰吉吉禮左還順天以利本本謂人也趙云注首

左還也一句與丁注相武禮右還順地以利兵地右還

配沈云人也人即民易今從沈改將居中軍順人以利陳人尚中人有

中曰參無中曰兩兩爭曰弱參和曰彊有中必有兩故

日參注兩字闕今補謝云有中無中即謂男女皆以形體

構成室以生民下文左右手亦以形體象合三兩而成五交

形體言之注有中必有兩解未明男生而成三女生而成

兩兩字舊脫今五以成室室成以生民民生以度陽奇

陰耦五謂相配成室正文成室生民舊皆誤倒左右手各

握五左右足各履五曰四枝元首曰末四枝手足元首



頭也惠半農云左傳風淫末疾謂首疾也文昭案易大過象日本未弱本謂初未謂上又木上曰未則以元首為未理五五二十五曰元卒注伍兵名一卒居前曰開一

卒居後曰敦注開猶敦敦猶服注舊作開有豎又一作開

所謂元戎十乘以先啟行是也注不當作敦猶殿軍後曰殿是也又司馬法曰大前驅啟乘車大晨倅車屬焉則古人名前軍為啟又有名後軍為晨者左氏襄二十三年傳齊莊公伐晉軍有啟有肱杜注謂左翼曰啟右翼曰肱此出後人所左右一卒曰閭四卒成衛曰伯注皆陳名伯卒名名耳

三伯一長曰佐三佐一長曰右注九伯卒也三右一長曰

正三正一長曰卿三卿一長曰辟注伯卒則右干卒則正

三千卒則卿萬卒舉令之于君辟君也此謂諸侯三軍數起於伍故不正相當此段注有譌案伯所統者四卒為兵百人以下皆三三而益之佐十二卒兵三百人右三十六卒兵九百人正百八卒兵二千七百人卿三百二十四卒兵八千一百人辟九百七十二卒兵三萬四千注辟必明卿必仁正必智右必和注言其德如此乃堪其任也佐必肅肅舊本伯必勤卒必力注卒二十

五人之帥故以勇力為之也辟不明無以慮官卿不仁無

以集眾伯不勤無以行令卒不力無以承訓注訓謂先後

辟也承謂奉行後令也注疑是其令均卒力貌而無比比則

不順注比者比同也均伯勤勞而無攜攜則不和注攜離

均佐肅敬而無雷雷則無成注雷遲均右和恭而無羞羞

則不興正文舊本肅作和和作肅今從沈五易之沈辟必

文聖如度注言聖君有所為如度度功不有差也元忠尚

讓親均惠下集固介德注介大也言必所集則常在大道

也危言不干德曰正注不干謂不犯也正及神人曰極世

世能極曰帝注極謂其上

武穆解第三十三

曰若稽古曰昭天之道熙帝之載揆民之任夷德之用注夷常摠之以咸殷等之以口禁成之以口和注咸皆殷盛



也皆以法摠之也咸康于民卿格維時監于列辟注視古  
 公列君以為師也列辟周上世之賢君也子孫臣民所當  
 取法也舊本列下衍也字又本並古公  
 列三字刪之則又  
 與列辟不相應矣敬惟三事永有休哉三事一倡德二和  
 亂三終齊德有七倫亂有五遂齊有五備五備一同往路  
 以揆遠邇二明要醜友德以眾爾庸三明辟章遠以肅民  
 教四明義倡爾眾教之以服五要權文德不畏強寵注同  
 往路謂□遠之也教之以服先王法服也趙云服五遂一  
 道其通以決其雍  
 雍與壅同元  
 本即作壅二絕□無赦不疑三挫銳  
 無赦不危四閑兵無用不害五復尊離羣不敵注羣離故  
 不敵也七倫一毀城寡守不路注路通二通道不戰三小  
 國不凶不伐四正維昌靜不疑五睦忍寧于百姓注中厚  
 忍辱六禁害求濟民七一德訓民民乃章注明于教訓欽  
 哉欽哉余夙夜求之無射



逸周書卷第四

晉 孔 晁 注

和寤解第三十四

武寤解第三十五

克殷解第三十六

大匡解第三十七

文政解第三十八

大聚解第三十九

世俘解第四十

箕子解第四十一

耆德解第四十二

和寤解第三十四

王乃出圖商至于鮮原

**注**

近岐周之地也小山曰鮮

汲郡古文

日帝辛五十二年秋周師

召邵公奭畢公高王曰嗚呼敬

之哉無競惟人人允忠惟事惟敬小人難保

**注**

言王以多

賢人為強保安之也

注言王疑當作武王

后降惠于民民罔不格惟

風行賄賄無成事

**注**

人之歸惠如草應風如用賄則無成



事絲絲不絕蔓蔓若何豪末不掇將成斧柯注此言防患

在微也策引作毫毛不拔王乃厲翼于尹氏八士唯固允

讓注厲獎厲也尹氏八士武王賢臣也舊本注脫尹氏八士四字今補德

降為則振于四方行有令問成和不逆加用禱巫神人允

順注言皆順成和志也

武寤解第三十五

王赫奮烈八方咸發高城若地商庶若化注言士卒應王

之奮烈視高城若平地若化恐怖也若化如蒲盧待約期化而成之化

于牧案用師旅商不足滅分禱上下注于牧野將戰先禱

天地也王食無疆王不食言庶赦定宗注言當赦其罪人

定其宗主不食言也尹氏八士太師三公咸作有績神無

不響注言羣臣皆謀立功而神明享其禱續書本譌作績功則當作績字注言羣臣舊案注云皆謀立本譌倒作羣臣言今並改正王克配天合于四海惟乃永

宣德合四表

克殷解第三十六

周車三百五十乘陳于牧野帝辛從注十三年正月牧野

商郊紂出朝歌二十里而迎戰也武王使尚父與伯夫致

師注挑戰也王既誓以虎賁戎車馳商師商師大崩注戎

車三百五十乘則士卒三萬六千三百五十人有虎賁三

千五百人也哲言字舊本無又崩作敗今依御覽增改梁云

紂車三百兩獨此言三百五十乘而墨子明鬼下篇又云

車百兩一多一少似未可信古車戰之法一車甲士三人

步卒七十二人至臨敵制變更以甲士配車而戰一車實

百人每乘以虎賁一人為右故有虎賁三百人書序可據

孫奕示見編以孟子三千人為引經之誤是已周禮虎賁

氏其屬八百安得有二千之多況又增三千五百乎至士

卒之數一車百人即依三百五十乘計之亦止三萬五千

人為二萬六千三百五十人哉張守節史記正義臆滅

百五十人亦非商辛奔內登于鹿臺之上鹿舊作廩今據

作屏蔽而自燔于火注屏蔽自障武王乃手太白以麾諸



侯諸侯畢拜遂揖之注太白旗名指召也指諸侯其追紂

也商庶百姓咸俟于郊注待武王于郭外也羣賓僉進曰

上天降休再拜稽首注諸侯賀武王也武王答拜先入適

王所乃剋射之三發而後下車而擊之以輕呂斬之以黃

鉞注輕呂劍名注折縣諸太白注折絕其首注折字

誤墨子明鬼下篇云武王折紂而繫之赤環載之白旗太

平御覽引作折紂而出繫之赤環則折字是今改正梁云

此篇乃六國時偽撰竄入周書者也三代以上無弑君之

事詎聖如武王而躬行大逆乎紂之死武之不幸也賈子

連語篇言紂斷死紂之官衛與紂軀棄玉門之外民之觀

者皆進蹴之武王使人唯而守之夫倉卒之際尚使人唯

守寧忍親戮其身哉及骨肉邪射擊乃適二女之所既縊

斬懸必無之事論衡恢國篇亦辨之

注二女妲己及嬖妾縊自縊也注舊本乃字在所下王又射

之三發乃右擊之以輕呂斬之以予鉞縣諸小白注予鉞

黑斧小白旗名也乃出場于厥軍注場平治社以及宮徹

空去者空居者居遷也及期百夫荷素質之旗于王前注

素質白旗前為王道也一作以前于王叔振奏拜假注羣

臣諸侯應拜假者則曹叔振奏行也注謝云史記叔振下有鐸字又陳常

車周公把大鉞召公把小鉞以夾王注常車威儀車也三

公夾衛王也注召公史記泰顛閔天皆執輕呂以奏王王入

即位于社太卒之左注執王輕呂當門奏太卒屯兵以衛

也羣臣畢從毛叔鄭奉明水衛叔傅禮注羣臣盡從王而

康叔相禮注毛叔宋本與史記正同作毛注召公奭贊采師尚

父牽牲注贊佐采事也倅王也尹逸策曰殷末孫受德迷

先成湯之明侮滅神祇不祀注史記逸作注紂字受德也神

祇天地也舉天地則宗廟已下廢可知也注梁云受德猶云

其在受德暨與此政同非紂字受德也自呂不韋誤昏暴

著于仲冬紀漢以後諸儒因之而誤史記作季紂是

商邑百姓其章顯聞于昊天上帝注言上天五帝皆知紂

惡也注章舊作彰字俗注武王再拜稽首乃出注受天大命以

惡也注今從史記改正



改殷天明命王天口也梁云此有脫文史記作武王再拜  
王又再拜稽首乃出李善注王元長曲水詩序引周書亦有此數語唯膺更作膺受觀孔晁注正是釋武王之語則知周書本有之轉寫者因兩立王子武庚命管叔相注為

三監監殷人乃命召公釋箕子之囚命畢公衛叔出百姓之囚注紂所拘囚者也乃命南宮忽振鹿臺之財巨橋之

粟注忽即括振散之以施惠也史記忽乃命南宮百達史

佚遷九鼎三巫注鼎王者所傳寶三巫地名史記三巫作保玉保與寶

同謝云觀此文南宮忽南宮百達則論語八士皆南宮氏也百當與伯同梁處素云晉語詢于八虞注賈唐云周八士皆在乃命閔天封比干之墓注益其塚也乃命宗祝崇

賓饗禱之于軍注宗祝主祀賓敬也饗祭前所禱之神宗祝

舊誤作宗祀案史記作命宗祝享祠于軍今正乃班注還

鄗京也

大匡解第三十七謝云前已有大匡此不應又名大匡蓋因篇內有大匡字也不能定其譌錯之

故

惟十有三祀王在管管叔自作殷之監東隅之疾咸受賜

于王王乃旅之以上東隅注東隅自殷以東旅謁各使陳

其政事者也注各字宋本作名似非是用大匡順九則八宅六位注古

大匡有此法古本一作言寬儉恭敬夙夜有嚴注言當嚴敬思

所順也昭質非樸樸有不明明執于私私回不中中忠于

欲思慧醜詐注忠于欲謂忠于絕私欲也昭信非展展盡

不伊伊言于允思復醜譖注展似信而非伊伊推也本或作誰

也昭讓非背背黨雍德德讓于敬思賢醜爭注讓以得之

非弃背也昭位非忿忿非口直直立于眾思直醜比注位

所以行道非以息忿忿怒也昭政非閑閑非遠節節政于

進思止醜殘注政以道民非禁閑之也故貴得節也昭靜

非窮窮居非意意動于行思靜醜躁注仁者好靜窮非取



樂昭潔非為窮非涓涓潔于利思義醜貪注涓涓于利

不以自汚正文利舊作行昭因非疾疾非不貞貞固于事

思在醜誕注疾口昭明九則九醜自齊齊則日知悖則死

勇注明此九法則所醜義成九法威則苟死于勇不知節

案上所陳九則九醜尙少其勇如害上則不登于明堂如

一疑昭質非樸一段有脫文而同舊作知誤左氏文二年傳明堂所以明道明道惟法

引云勇則害上不登于明堂惟以法度化人法人惟重老重老惟寶嗚呼在昔文考

戰戰惟時祇祇汝其注言所尊重者老人乃政之寶也文

王唯敬是道汝其用之汝諸侯也正文汝其下疑脫一庸

正謝云戰戰惟時祇祇當夙夜濟濟無競惟人惟允惟讓

不遠羣正不邇讒邪注言當近正士遠讒人汝不時行汝

害于士士惟都人孝悌子孫注不行是文王之道其如此

也不官則不長官戒有敬官口朝道舍賓祭器日八宅注

官以長官所戒惟敬則八宅順矣綏比新故外內貴賤日

六位注安之比之各以其道則位順也大官備武小官承

長注承奉正文承舊誤作大匡封攝外用和大注和平大

正文封字舊本作鍊中匡用均勞故禮新注士大夫及

賓客小匡用惠施舍靜眾注靜安也禁請無怨順生分殺

不忘不憚注不計分部不失其理俾若九則生敬在國國

咸順順維敬敬維讓讓維禮注言周大匡使順九則生其

所敬于國國人皆順之以敬讓之禮也舊本作生欲在國

改今從之辟不及寬有永假注不及言同假于王道

文政解第三十八

惟十有三祀王在管管蔡開宗循注管管叔之邑二叔開

其宗族循鎬京之政言從化也王謝云王字當屬上文禁

九慝昭九行濟九醜尊九德止九過務九勝傾九戒固九



守順九典注九人所茂政也濟謂濟其醜以好也順此戒也九慝一不類二不服三不則四口務有不功五外有內通六幼不觀國七閭不通徑八家不開刑九大禁不令路徑注刑法也不令不宜令也九行一仁二行三讓四信五固六治七義八意九勇注意于道也九醜思勇醜忘思意醜變思義醜口思治醜亂思固醜轉思信醜奸思讓醜殘思行醜頑思仁醜豐注殘謂殘禮義也案九醜即倒承上去思義醜口一句今俱增正九德一忠二慈三祿四賞五注敬死勸葬也足民之財也正文之財本亦作之則注九過一視民傲二聽民暴三遠愼而近額貌四法令口亂五仁善是誅六不察而好殺七不念口害行人口思前後九偷其身不路而助無漁九勝一□□□□二□□□□三

同惡潛謀四同好和因五師口征惡六迎旋便路七明賂施舍八幼子移成九迪名書新注潛謀潛密之謀也移成謂易子而教也蹈名之子書而新用九戒一內有柔成一示有危傾二旅有罷寘四亂有立信五教用康經六合祥毀成七邑守維人八飢有兆積九勞休無期注柔成善柔詔人也罷寘言口困倉暗也康逸也合詳無德而信也守邑無備恃其人眾皆危道注暗一本作曠字書無攷暗亦疑譌九守一仁守以均二智守以等三固守以典四信守維假五城溝守立六廉守以名七戒守以信八競守以備九國守以謀注維假言立信常至于義也信守維假二句似有譌九典一祇道以明之二稱賢以賞之三典師以教之四四戚以勞之四戚四字疑本是空五位長以遵之六羣長以老之七羣醜以移之八什長以行之九戒卒以將之注典師謀各隨所能而教之也遵



行之以戒之事也將之軍旅行陳也嗚呼充虛為害無由不通無虛不敗注陰陽姦謂之充國無人謂之虛也

大聚解第三十九

維武王勝殷撫國綏民乃觀于殷政告周公曰嗚呼殷政總總若風草有所積有所虛和此如何注總總亂也有積有虛言不平也周公曰聞之文考來遠賓廉近者道別其陰陽之利相土地之宜水土之便注禮遠賓廉近者道總土宜以愛民也注趙云欲來遠賓在廉察近者之安危利相土地之宜土字疑衍以下句言水土之便故也案注營廉本多作廣今從章本改愛本多作受今從元本改邑制命之曰大聚先誘之以四郊王親在之注四郊自近始也在察也賓大夫免列以選赦刑以寬復亡解辱注亡者復之辱者解之削赦口重皆有數此謂行風注行風化也此本或作甚乃令縣鄙商旅日能來三室者與之一室之祿

注以一丈夫之耕祿者注文字或衍文闕開脩道五里有郊十里有井二十里有舍注待行旅也案地官遺人三十里疑遠旅來至關人易資舍有委注貿易供其資也正文

一作市有五均早莫如一送行逆來振乏救窮注均平也言早暮一價惠云河間獻王所傳樂元語其道五均事云天子取諸侯之士以立五均則市無二價四

民常均強者不得困弱富者不得要貧則公家有餘恩及小民矣老弱疾病孤子寡獨惟政所先注當先卹也民有欲畜發令注令之畜牧以國為邑以邑為鄉以鄉為閭禍災相卹資喪比服注邑閭比相

救卹比服供喪服也疑即周禮所謂比共吉凶二服也五戶為伍以首為長十夫為什以年為長注首為五家最服合閭立教以威

為長合旅同親以敬為長注教由威行旅由敬親飲食相約興彈相庸趙云功作則互相勸是與游墮則互相糾是彈惠云漢時尚有街彈之室蓋取則于古耦耕口耘男女有婚墳墓相連民乃有親注言相通也六



畜有羣室屋既完民乃歸之注六畜牛馬豬羊犬雞鄉立

巫醫具百藥以備疾災畜五味以備百草注草味同言五

味非一也注是同疑立勤人以職孤立正長以順幼立職喪

以卹死立大葬以正同注職同立君子以脩禮樂立小人

以教用兵注禮樂干戚兵刃也注有立鄉射以習容春和

獵耕耘以習遷行注羣行出入坐起隨行教芋與樹藝比

長立職與田疇皆通注根衍日芋比長之職通連比也注芋

或作茅今從宋元本謝云根衍日芋不知所出說文玉篇釋芋字皆謂草之可以為繩者字亦通芋立祭祀

與歲穀登下厚薄此謂德教注登下隨穀豐儉也若其凶

土陋民賤食貴貨是不知政注不順政故日凶山林藪澤

以囚其口工匠役工以攻其材商賈趣市以合其用注言

政行也外商資貴而來貴物益賤資賤物出貴物以通其

器注通其有無使相口也夫然則關夷市平財無鬱廢商

不乏資百工不失其時無愚不教則無窮之此謂和德注

言政治和之所致也則無窮之舊作口無窮乏則今依趙改正若有不言乃政

其凶陂溝道路藪菑且墳不可樹穀者樹以材木注除藪

種木春發枯槁夏發葉榮疑當作華榮秋發實蔬冬發薪烝以

匡窮困注以此匡之也捐其民力相更為師惠云捐與韓同因其

土宜以為民資注更相為師匡資次用也注則生無乏

用死無傳尸此謂仁德注傳于溝壑惠云傳尸猶轉尸也淮南子鬱而無轉高

誘日轉且聞禹之禁春三月山林不登斧以成草木之長

夏三月川澤不入網罟以成魚鼈之長且以并農力執成

男女之功注男耕女桑成此功也夫然則有生而不失其

宜萬物不失其性人不失其事天不失其時以成萬財萬

財既成放此為人此謂正德注放散供人用也藝文類聚

作有土無而字財作材云萬材已成收泉深而魚鼈歸之

以為人天下利之而勿德是謂大仁



草木茂而鳥獸歸之稱賢使能官有材而士歸之土舊闕從惠補

關市平商賈歸之分地薄斂農民歸之水性歸下農民歸

利注歷言自然之至王若欲求天下民先設其利而民自

至譬之若冬日之陽夏日之陰不召而民自來此謂歸德

注政善德之至也五德既明民乃知常武王再拜曰嗚呼

允哉天民側側余知其極有宐注側側喻多長有國也乃

召昆吾治而銘之金版藏府而朔之注昆吾古之利治朔

月旦朔省之也謝云昆吾乃掌治世官注云利治誤

世俘解第四十

維四月乙未日武王成辟四方通殷命有國注言成者執

殷俘通之以為國也此克紂還歸而作也惟一月丙午旁

生魄若翼日丁未舊丙午作丙辰丁未作丁巳今案從丙午十六日數至二月五日甲子方合

王乃步自于周征伐商王紂注旁廣大月大時也此本紀

始伐紂師度孟津也越若來二月既死魄越五日甲子朝

至接于商注越于也朔後為死魄惠云接讀為捷則咸劉商王紂

執矢惡臣百人注劉尅也矢惡臣崇侯之黨矢舊本作夫又或作天今

案後文有矢惡臣定為矢字

太公望命禦方來丁卯望至告以馘俘注

王立政注禦循追祀以尅紂告祖考壇帷而祭是日立王

政布天下正文追字舊本譌曰又一本譌作自注又譌作竝攷

呂它命伐越戲方壬申荒新至告以馘俘注呂它將

也越戲方紂三邑也惠云呂它南宮氏也越戲方一作反虎方見南宮中鼎銘侯來命

伐靡集于陳辛巳至告以馘俘注侯來亦將也靡陳紂二

邑也甲申百弁以虎賁誓命伐衛告以馘俘注百弁亦將

辛亥薦俘殷王鼎注殷國之鼎案通鑑前編作薦殷俘正殷鼎武王乃翼

矢珪矢憲告天宗上帝注矢陳也稷太牢別于天也稷太牢不



見正文疑有脫下云用牛于天子稷此不應豫見案書正義云天神尊祭天明用犢稷是人神祭用太牢既于天神王不革服格于廟秉語治庶國籥人九終注不改祭天之服以告祖考急于語治也廟無別人也末五字誤王烈祖自太

王太伯王季虞公文王邑考以列升維告殷罪注虞公虞

仲邑考文王子也皆升王于帝籥人造王秉黃鉞正國伯注于籥人進則王進正伯之位也注籥字舊譌蕭今從趙改王子王服

袞衣矢琰格廟籥人造王秉黃鉞正邦君注正諸侯之位

也癸丑薦殷俘王士百人注王士紂之士所囚俘者籥人造王矢琰秉黃鉞執戈王奏庸大享一終王拜手稽首王

定奏庸大享三終注大享獻爵奏庸擊鍾甲寅謁戎殷于

牧野王佩赤白旂籥人奏武王入進萬獻明明三終注謁

告也明明詩篇名武以干羽為萬舞也惠云明明即大明乙卯籥

人奏崇禹生開三終王定注崇禹生開皆篇名告非一故

連日有事也庚子陳本命伐磨百韋命伐宣方新荒命伐

蜀梁處素云磨必磨之譌下云滅磨即獻磨國之俘略史

前國名紀六云屬商時侯國凡地從邑本作曆也又新荒

濮曆之北曆近濮在商畿內可知見秦策新序作濮歷

乙巳陳本命新荒蜀磨至告禽霍侯文侯俘佚侯小臣四

十有六禽禦八百有三百兩告以馘俘注此復說尅紂所

命伐也庚子閏二月十一日禦大臣也此復說尅紂所命

或以庚子為庚申乙巳為乙丑非也百韋至告以禽宣方禽禦三十兩告以

馘俘百韋命伐厲告以馘俘注言兩隅之言也武王狩禽

虎二十有二猫二麋五千二百三十五犀十有二容齋隨

筆猫作麋案下文別有麋必有一誤犀十有二作犀十有

七百二十有一熊百五十有一羆百一十有八豕三百五

十有二貉十有八麀十有六麀容齋麀五十麋三十鹿三

千五百有八注武王克紂遂摠其圖所獲禽獸武王遂征



四方凡愍國九十有九國注愍惡也馘曆億有十萬七千

七百七十有九注曆舊作魔譌億下不當更注俘人三億萬有

二百三十注武王以不殺為仁無緣馘億也俘馘之多此

大言之也凡服國六百五十有二注此屬紂也口口時四

月既芴生魄越六日庚戌武王朝至燎于周維予冲子綏

文注此于甲乙十六日也先廟後天者言功業已成故也

注江十六日譌當作四月二十二日謝云凡冲注武王降自車

乃俾史佚繇書于天號注使史佚用書重薦俘于天也武

王乃廢于紂矢惡臣人百人注上人字注伐右厥甲小子鼎大

師注廢其惡人伐其小子乃鼎之眾也伐厥四十夫家君

鼎帥司徒司馬初厥于郊號注言初克紂于商郊號令所

伐也武王乃爽于南門用俘皆施佩衣衣先馘入注言陳

列俘馘于宗廟南門夾道以示眾也取乃衣之施之以恥

也武王在祀太師負商王紂縣首白旂妻二首赤旂乃以

先馘入燎于周廟注王在祀主使樂師以紂首及妻首所

馘入廟燎也注謝云白旂赤旂與前大白小白亦辭異而意

則亦當在注若翼日辛亥祀于位用籥于天位注此詳說庚

戌明日郊天祭俘所用籥衣事也越五日乙卯武王乃以

庶祀馘于國周廟翼予冲子斷牛六斷羊二注于辛亥五

日以諸侯祭其有斷煞者庶國乃竟告于周廟曰古朕聞

文考脩商人典以斬紂身告于天于稷注言諸侯竟殺牲

告周廟天稷也注正文疑當作告朕注用小牲羊犬豕于百神

水土于誓社注百神天宗水土山川誓告也日惟予冲子

綏文考至于冲子用牛于天于稷五百有四注及宗廟山

川也用小牲羊豕于百神水土社二千七百有一注所用

甚多似皆益之商王紂于商郊注更說始伐紂時謝云自



于商郊始其文皆當在前甲子朝至接于商下句則咸對商王紂于商郊此處商王紂三字衍文也俘商王億有百萬下乃接武王在祀至燎于周廟時甲子夕商王紂取天而止則時日亦符而文義無舛矣

智玉琰五環身厚以自焚注天智玉之上美者也縫環其身以自厚也五環二字舊本作璫今依張守節史記正義改惠半農云御覽引此曰紂取天智玉琰五

班環身以自焚注日天智玉之上美者班環身以自厚也又御覽七百十八引此云取天知玉珥及庶玉衣身以自

焚庶玉則銷天知凡厥有庶告焚玉四千注眾人告武王玉珥在火中不銷

焚玉四千也五日武王乃俾于千人求之四千庶玉則銷

天智玉五在火中不銷注紂身不盡玉亦不銷正文于凡字疑衍

天智玉武王則寶與同注言王者所寶不銷也凡武王俘

商舊玉億有百萬

箕子解第四十一亡惠云廣韻引書曰武王悅箕子之對賜十册別無所見當在此篇

耆德解第四十二亡

逸周書卷第四

逸周書卷第五

晉 孔 晁 注

商誓解第四十三 度邑解第四十四

武倣解第四十五 五權解第四十六

成開解第四十七 作雒解第四十八

皇門解第四十九 大戒解第五十

商誓解第四十三

王若曰告爾伊舊何父□□□□幾耿肅執乃殷之舊官

人序文□□□□及太史比小史昔及百官里居獻民□

□□來尹師之敬諸戒疾聽朕言用胥生蠲尹王曰嗟爾

眾予言若敢顧天命予來致上帝之威命明罰今惟新誥

命爾敬諸朕話言自一言至于十話言其惟明命爾王曰

在昔后稷惟上帝之言克播百穀登禹之績凡在天下之



惠云誓讀曰哲下並

庶民罔不維后稷之元穀用蒸享在商先誓王同俗本元本作正明祀上帝□□□亦維我后稷之元穀今從宋本元本用告和用胥飲食肆商先誓王維厥故斯用顯我西土今  
 在商紂昏憂天下弗顯上帝昏虐百姓奉天之命上帝弗  
 顯乃命朕文考曰殪商之多罪紂肆予小子發弗敢忘天  
 命朕考胥翕稷政肆上帝曰必伐之予惟甲子尅致天之  
 大罰□帝之來革紂之□予亦無敢違大命章本作天命敬諸  
 昔在我西土我其有言本或作齊言胥告商之百無罪其維一  
 夫趙疑百下當有姓字予既殛紂承天命予亦來休命爾百姓里居  
 君子其周卽命□□□□□□□□□□□□□□□□□□□□□□  
 □□□□□□□□□□□□□□□□爾冢邦君無敢其有不  
 告見于我有周其比冢邦君我無攸愛上帝曰必伐之趙  
上帝曰必伐之已見上文今予惟明告爾予其往追□紂  
此處語勢似不當有疑衍

遂越集之于上帝

遂本或作達越與臻同

天王其有命爾王疑衍百姓

獻民其有綴芳

綴芳謂若絲之絕而更續草之刈而更生也

夫自敬其有斯天

命不令爾百姓無告西土疾勤其斯有何重天維用重勤  
 興起我罪勤我無克乃一心爾多子其人自敬助天永休  
 于我西土爾百姓其亦有安處在彼宐在天命□及惻興  
 亂予保奭其介有斯勿用天命若朕言在周曰商百姓無  
 罪朕命在周其乃先作我肆罪疾予惟以先王之道御復  
 正爾百姓越則非朕負亂惟爾在我王曰百姓我聞古商  
 先誓王成湯克辟上帝保生商民克用三德疑商民弗懷  
 用辟厥辟今紂棄成湯之典肆上帝命我小國曰革商國  
 肆予明命汝百姓其斯弗用朕命其斯爾冢邦君商庶百  
 姓子則□劉滅之王曰霏予天命說文霏飛聲也兩而雙飛者其聲霏然徐呼郭  
切徐緒曰其聲霍忽疾也然則此亦當為命不于常之意維既咸汝克承天休于我有



周斯小國于有命不易昔我盟津帝休辨商其有何國命

予小子肆我殷戎亦辨百度予史本或作予史今從元美左右予子肆劉殷之

命今予維篤祐爾予史太史違本章本何本然予字亦似

我實視爾寔各本多作靖疑胥敬請其斯一話敢逸僭

予則上帝之明命予爾拜拜元木章本百姓越爾庶義庶刑予維

及西土予作子我乃其來即刑乃敬之哉庶聽朕言罔

胥告

度邑解第四十四

維王剋殷國君諸侯乃厥獻民徵主九牧之師見王于殷

郊九牧九州之牧也鄭康成注尚書王乃升汾之阜以望

商邑司馬彪續漢郡國志襄城有汾丘案左氏襄十八年

商邑傳楚子庚治兵于汾即此地也去朝歌不遠故可望

天之遂命一日維顯畏弗忘王至于周自鹿至于丘中對

對亦以李善注補善

具明不寢王小子御告叔且叔且亟

奔即王日久憂勞問害不寢害與曷同何也舊日安予告

汝王日嗚呼且惟天不享于殷發之未生至于今六十年

夷羊在牧飛鴻滿野舊作過野或過野之譌今依史記博

乃今有成維天建殷厥徵天民名三百六十夫弗顧亦不

賓威舊作賓成史記作賓滅隨巢用戾于今嗚呼于憂茲

難近飽于卹辰是不室我未定天保何寢能欲未舊作來

其惡專從殷王紂日夜勞來定我于西土志我其惡史記

叔且泣涕于常悲不能對王志我其惡史記

傳于後王日且汝維朕

叔且泣涕于常悲不能對王

傳于後王日且汝維朕



達弟子有使汝

子各本多作子今從章本

汝播食不遑暇食矧其有乃

室今維天使子惟二神授朕靈期子未致子休于近懷子

朕室汝維幼子大有知昔皇祖底于今勛厥遺得顯義告

期付于朕身肆若農服田饑以望穫

惠云饑與幾同幾讀日莫

子有不

顯朕卑皇祖不得高位于上帝

卑亦疑專

汝幼子庚厥心庶乃

來班朕大環茲于有虞意乃懷厥妻子德不可追于上民

亦不可答于朕下不賓在祖維天不嘉于降來省汝其

可瘳于茲乃今我兄弟相後我筮龜其何所即今用建庶

建叔且恐泣涕共手

庶建或作素達惠半農云王欲兄弟相後傳位于且故且恐

王曰

嗚呼且我圖夷茲殷其惟依天其有憲命求茲無遠

依鍾本作

夷又無遠下章本有慮字

天有求釋相我不難自洛納延于伊納居陽

無固其有夏之居

案史記索隱陽作易謂地平易也

我南望過于三塗我

北望過于有嶽鄙願瞻過于河宛瞻于伊洛

史記無有字鄙舊作不願

舊作願今皆依史記改瞻史作詹同宛史作粵又案史集

解徐廣曰武王問太公曰吾將因有夏之居南望過于三

塗北倉望于有河語亦相似三塗杜預曰在河南陸渾縣

南案左氏昭十七年傳晉將伐陸渾以有事于雒與三塗

請于周杜說蓋本此服虔以太行轅轅嶠崑當之于南望亦不合非也

無遠天室其曰茲日

度邑

武微解第四十五

惟十有二祀四月王告夢丙辰出金枝郊寶開和細書命

詔周公旦立後嗣屬小子誦文及寶典王曰嗚呼敬之哉

汝勤之無益□周末知所周不知商□無也朕不敢望敬

守勿失以詔宥小子曰允哉

宥俗本作寘今從元本

汝夙夜

勤心之無窮也

此篇殘缺不可讀也字當是妄增入

五權解第四十六

維王不豫于五日召周公旦曰嗚呼敬之哉昔天初降命

于周維在文考克致天之命汝維敬哉先後小子勤在維



政之失政有三機五權汝敬格之哉克中無苗以保小子  
 于位三機一疑家二疑德三質士疑家無授眾疑德無舉  
 士質士無遠齊吁敬之哉天命無常敬在三機五權一日  
 地地以權民二日物物以權官三日鄙鄙以權庶四日刑  
 刑以權常五日食食以權爵不遵承括章本作奉括食不宣不  
 宣授臣極賞則涸涸得不食案涸與屈同荀子宥坐篇言水洗沈乎不涸盡似道揚僚  
云涸讀為屈竭也家語三恕篇正作屈盡極刑則仇仇至乃別鄙庶則奴奴乃  
 不滅國大則驕驕乃不給官庶則荷荷至乃辛官庶舊作官無庶趙  
云無字衍今從刪謝云荷與苛同見漢書酈食其傳文昭  
案辛疑半字之譌說文叢生艸也讀若泥于苛細煩碎之  
意為近且業字从半則聲當物庶則爵乃不和惠于乃字  
亦相近與上所用韻亦協物庶則爵乃不和初校云宋  
作擗趙疑物庶則下尚脫一字梁處素云擗疑無字之譌  
說文引商書庶艸繁無是也無字當重文文昭案和字亦  
必地庶則荒荒則聶案聶當如爾雅守宮槐書聶皆炕之  
誤是之人庶則匱匱乃匿嗚呼敬之哉汝慎和稱五權維中

是以以長小子于位實維永寧

成開解第四十七

成王元年大開告用注周公大開告道成王用之也文昭  
中云今商孽競時通播則在未東周公曰嗚呼余夙夜之  
征之前舊作九年非也今從趙改勤今商孽競時通播以輔余何循何慎王其敬天命  
 無易天不虞注言商餘紂子祿父競求是通播逃越之人  
 以自輔當敬天命備不度者在昔文考躬脩五典勉茲  
 九功敬人畏天教以六則四守五示三極祇應八方立忠  
 協義乃作注祇敬協和三極一天有九列別時陰陽惠云  
即九二地有九州別處五行別處俗間本作別三人有四  
星佐佐官維明五示顯允明所望注四佐謂天子前疑後丞  
 右輔左弼也當明謂五示示于民也五示一明位示十二  
 明惠示眾三明主示寧四安宅示孥五利用示產注主明



則民安之安宅則妻子寧利用則產業眾注有諷今參產取數本校正

足不窮家懷思終主為之宗德以撫眾眾和乃同注言五

示之義同謂和同也不字本脫趙據文義補撫舊作輔又眾字不重惠據宋本改增四守

一政盡人材材盡致死二土守其城溝三障水以禦寇四

大有沙炭之政注任人盡其材則死力效致大沙熾炭可

以攻適人也注攻舊諷政今改六則一和眾二發鬱三

明怨四轉怒五懼疑六因欲注鬱謂穀帛滯積者也怒則轉

之懼則疑之欲則因之此文王所以剋紂也九功一賓好

在筭二淫巧破制三好危破事四任利敗功五神巫動眾

六盡哀民匱七荒樂無別八無制破教九任謀生詐注在

筭謂實幣于筭無節限也盡哀謂送終過制也無別亂同

也任謀謂權變也不犯此則成功也文昭案古功攻同此九功當謂九攻孔注

似和集集以禁實有離莫遂通其此十二字難曉卜五典本遠刪之亦非也

一 言父典祭祀祀昭天百姓若敬二 顯父登德德降為則

則信民寧注言祭祀見享受福民乃化則法信民心也

顯父如書酒誥之稱圻父農父宏父也父者尊之之辭此言父蓋宗伯之屬顯父司徒之官正父司馬之官機父師

氏保氏之職所關一父當司空之職也顯父三句又見本

典解惠半農據以改此作德降為信則民寧文昭案與

注不合前和寤解亦有德降為則語蓋法制皆本于德法制信于民民是以寧惠所改非也三 正父登

過過慎于武設備無盈注使正舉事過于前無自滿四機

父登失脩注官官無不敬五制哀節用政治

民懷注使刺譏之士舉政之失其官官無不敬矣懷猶歸

之也五典有常政乃重開之守二字內則順意外則順敬

內外不爽是日明王注重開言無爽也王拜日允哉維子

聞日何鄉非懷懷人惟思思若不及禍格無日注格至式

皇敬哉余小子思繼厥常以昭文祖定武考之列注式用

皇大嗚呼余夙夜不寧



作雒解第四十八

武王克殷乃立王子祿父俾守商祀注封以鄭祭成湯建  
 管叔于東建蔡叔霍叔于殷俾監殷臣注東謂衛殷郟鄩  
 霍叔相祿父也武王既歸乃歲十二月崩鎬肆于岐周注  
 乃謂乃後之歲也肆攢塗惠云士喪禮掘碑見在自天子至於士殯皆曰肆周公  
 立相天子三叔及殷東徐奄及熊盈以略注立謂為宰攝  
 政也殷祿父徐戎奄謂殷之諸侯周公召公內弭父兄外  
 撫諸侯元年夏六月葬武王于畢注弭安畢地名元年舊  
注趙改元年與釋史同二年又作師旅臨衛政殷殷大震  
注舊作畢也今增改政釋史作政惠云政與降辟三叔王  
注下叛其上曰潰正古字通案當讀為征子祿父北奔管叔經而卒乃囚蔡叔于郭凌注郭凌地名  
 子祿父北奔管叔經而卒乃囚蔡叔于郭凌注郭凌地名  
 囚拘也凡所征熊盈族十有七國俘維九邑注俘囚為奴  
 十七國之九邑罪重故囚之俘殷獻民遷于九畢注獻民

士大夫也九畢成周之地近王化也俾康叔字于殷俾中  
 旄父字于東注康叔代霍叔中旄代管叔周公敬念于後

曰子畏同室克追俾中天下注成王二年秋迎周公三年

春歸也周公追畏尊王也謝云同室克追當是周室克造  
 及將致政乃作大邑成周于土中注王城也于天下土為

中沈云自鄆以內統稱城方千七百二十丈鄆方七十里  
水經注城方七百二十丈脫一千字沈改七為六不知南

何據鄆方七十里宋本作七十二里前編作十七里注鄆  
 繫于洛水北因于邲山以為天下之大湊注邲郭也繫因

皆連接也湊會也北因于邲山舊作地因于邲山制邲甸  
 方六百里國西土為方千里注西土岐周通為圻內水經

作注分以百縣縣有四郡郡有四鄙大縣城方王城三之一  
 小縣立城方王城九之一注三分九分居其一四鄙四字

今依淮南子注增立字疑注都鄙不過百室以便野事注耕  
 術前編大縣下亦作立城



桑之事農居鄙得以庶士士居國家得以諸公大夫注居

治也治鄙以農治國家以大夫注農之秀者可為士士有功

凡工賈胥市臣僕州里俾無交為注工商百胥人臣僕各

異州里而居不相雜交也胥相也注舊作胥待也趙云相也

又云胥待也雜出疑注乃設丘兆于南郊以祀上帝配以后

稷注設築壇城內郊南郭也日月星辰先王皆與食注先

王后稷謂郊時注日月星辰御覽作農星趙云此注非后稷

此先王當如封人社壇諸侯受命于周乃建大社于國中

月令之五帝封人社壇及侯字又國譌注其壇東青土

南赤土西白土北驪土中央豐以黃土將建諸侯鑿取其

方一面之土燾以黃土苴以白茅以為土封故曰受列土

于周室注其方謂建東方諸侯以青土也燾覆茅苴裹土

封之為社也注豐一作豐見公羊疏燾舊作苞譌注以覆釋

燾而舊本亦脫燾字以上也字作而云而覆

茅苴裹土不成語矣故今定為燾字則正文與注正相應

也正文以為土封本一作以土封之又一作以為社之封

又故曰受列土舊作故曰受則大惠以大為衍文而引周

禮大宗伯五命賜則為受則之證非也故曰二字當承上

大社為說御覽作故曰列土稱節其文耳其云列土則是

也又惠採公羊疏引孔氏注云王者封五色土為社建諸

侯則各割其方土與之使立社燾以黃土苴以白茅茅取

其潔黃取其王者覆四方案此所引多見正文不盡由孔

氏今載之乃位五宮大廟宗宮考宮路寢明堂注五宮宮

府寺也大廟后稷廟二宮祖考廟考廟也路寢王所居也

明堂在國南者也注文昭案五宮疑當作五官注當是本

廟等五者當五宮非也隋書牛宏傳引乃立大廟宗宮路

寢明堂案古立位二字本通用注后稷下廟字並考廟字

舊皆脫注咸有四阿反坫重亢重郎常累復格藻棬設移旅

今校增注咸皆也宮廟四下日阿反坫外向室也重

亢累棟也重郎累屋也常累系也復格累芝栴也藻棬畫

梁柱也承屋日移旅列也春常謂藻井之飾也言皆畫列

柱為文也注正文移即移也春常畫旅舊本作春常畫無旅

字今據宋人陸佃陶山集所引改正注亦多從



之注宮字舊無據前編補內階予階堤唐山廡注以黑石

惠半農云復格即復笮為階唐中庭道堤謂高為之也山廡謂廡畫山雲注

陸堤唐陶山集作提唐注同注高為舊本誤倒又脫上山字次廡字今皆增改應門庫臺予闔注

門者皆有臺于庫門見之從可知也又以黑石為門限也

注從舊作後限舊作階今皆從前編改正

皇門解第四十九

維正月庚午周公格左闕門會羣門注格至也路寢左門

日皇門闕音皇也文昭案羣門族姓也篇中日宗子曰私

手見曰嗚呼下邑小國克有耆老據屏位建沈人罔不用

明刑注耆老賢人也又建立沈伏之賢人無不用明法注

作非譎注無字舊亦脫今皆補正維其開告于予嘉德之說注言下邑所

行而我法之是開告我于善德之說命我辟王小至于大

我聞在昔有國誓王之不綏于郵注小至于大者小大邦

君也郵憂言思治也乃維其有大門宗子勢臣罔不茂揚

肅德訖亦有孚以助厥辟勤王國王家注大門宗子適長

勢臣顯仕茂勉肅敬訖既也孚信也注方旁羞進注乃方求論

擇元聖武夫羞于王所注方旁羞進注乃方求論

字誤自字注其善臣以至于有分私子苟克有常罔不允通

咸獻言在于王所注私子庶孽也常謂常德言皆信通于

義以益王也注至于舊譎至注人斯是助王恭明祀敷明刑注

言善人君子皆順是助法王也王用有監明憲朕命用克

和有成用能承天嘏命注監視明此事法故能承天命王

天下也注王用俗本譎作王注百姓兆民用罔不茂在王庭注

勉在王庭獻言于王所也先用有勸永有口于上下注上

謂天下謂地也人斯既助厥勤勞王家注助君也謂大門

眾子也先人神祇報職用休俾嗣在厥家注先人及天地



報之王用美紹家困學紀聞引作俾嗣在王家蓋嗣先人勤勞于王家也趙云嗣厥家謂世有令嗣保其宗廟亦通注以美釋休以紹釋嗣舊譌為善詔一本詔又作其皆非也王國用寧小人用

格能稼穡成祀天神戎兵克慎軍用克多神祐之故王用奄有四鄰遠土不承萬子孫用未被先王之靈光

奄同不大未終遠土下本何至于厥後嗣弗見先王之明刑維時及胥學于非夷時有胥相為是相學於非常也

及程本吳本譌作及今從元以家相厥室弗卹王國王家維德是用言勢人以大夫私家不憂王家之用德

是羞于王詳善也不察無罪以惡民言順不進辭于王

詳本或作祥義竝同不屑疑不冒之譌亂辭辭有理者也言不冒順察無罪有理之辭以進于王也舊本誤分兩段以注詳善也至以惡民又添一也字注無辜之亂下臆七字為辭是羞于王之注趙疑言順不進辭于王或是言進不順辭于王文昭案進不順之言在下文始見此非也注中惡字烏路反惡民言順謂惡民之理直故不冒上聞耳

今審文王阜良乃惟不順之言于是人斯乃非維直以應

維作誣以對俾無依無助阜大良善也王求善而是人

有獲驕謂不習也言人之無得猶驕犬逐禽不能獲

是人斯乃讒賊媚嫉以不利于厥家國言賊仁賢忌媚

嫉妒以不利其君譬若匹夫之有婚妻日子獨服在寢以

自露厥家寢室也言自露於家言謂美好喻昏臣也媚

夫有邇無遠乃食益善夫俾莫通在于王所食為野

媚夫見近利而無遠慮利為掩益善夫使莫通食猶日月蔽之意于舊作土乃維有奉狂夫是陽是繩是以為上是

授司事于正長言陽舉狂夫以為上人為官長正主

其事也命用迷亂獄用無成小民率穡命者教也率皆

痛愁困也保用無用壽亡以嗣天用弗保安民之用無



所宣施是故民失其性天所不安用非其人故也婦夫先受殄罰國亦不寧嗚呼敬哉監于茲朕維其及注殄絕其

世罰及其人也注罰舊譌也案盤庚云罰及爾身又云殄滅之無遺育此正注之所本今改正至朕

我也注不為此作釋朕蓋臣夫明爾德以助予一人憂注蓋進也言我進用之臣夫明明之德助我憂天下者注明趙

爾注疑明無維乃身之暴皆卹爾假子德憲資告子元注假借資用也借我德法用告我大德之所行也注皆卹疑當作是

法用德之告我又重注一我字皆譌今改正譬若眾政常扶予險乃而予于濟注如眾令政獵相扶持也濟遂也注而古與汝無作注趙云似能同

大戒解第五十  
維正月既生魄王訪于周公曰嗚呼朕聞維時兆厥工非不顯朕實不明注兆始工官言政治維是始正其官注說文引逸周書曰朕實不明以侂伯父侂完也胡維士非不務而不困切今此書無下句說文所釋亦難曉

得助大則驕小則懼注謀不極注言務求士而不得助如此之難極中也予重位與輕服非其得福厚用遺注重所

重在于重位輕重所立非夫德而厚福用之是求益之言也注注譌難曉趙云似言授之位與服誠冀助我而共得其福耳非然者胡為厚遺之若此乎庸止生却

知正字庸行信貳眾輯羣政不輯自匿嗚呼子夙勤之無或告余非不念念不知注止容也常信貳則難得中也我

雖勤之無有告我者徒知而不得明知也周公曰於敢稱乃武考之言曰微言入心夙喻動眾大乃不驕行惠于小

小乃不懼注言汝之武考有是言注次小字從宋元連官集本俗間本作眾

乘同憂若一謀有不行予惟重告爾注連官則同憂職集眾事則同憂濟謀有不行言必行也注集乘疑是集眾予字從宋本俗間本作茲

元本無重字注職字從元本或作取又言字舊脫從趙增庸厲口以餌士權先申之明約必遺之注餌謂爵祿權謂勢重其位不尊其謀不陽我



不畏敬材在四方言當畏敬賢者尊其位陽其謀也在

四方言在四方言野多遺賢或且以資敵無擅于人塞匿勿行惠威咸

服孝悌乃明擅人專己塞匿陰忌惠順賊近也明立威

取亂使眾之道撫之以惠內姓無感外姓無謫感古人知其

亂則思治矣內長同姓同宗外姓異姓謫過感字鄙恥其

罪上之明審教幼乃勤貧賤制設九備乃無亂謀上

明則不隱情故日知罪九備一忠正不荒美好乃不作惡

三兩段四說聲色憂樂順人心明察則民化而善

盈匿五頤信傷辯日費六出觀好怪內乃淫巧頤

大怪異七謀躁內乃荒異八好威民眾日逃九

富寵極足是大極內心其離室也應協以動

無九備既明我貴保之應協以動遠邇同功應協以動

動必以和協亦謀和適用覆以觀之上明仁義援貢有備

上文用本聚財多以援成功克禁淫謀眾

匿乃雍言閉塞不行也順得以動人以立行輔佐之道

上必盡其志然後得其謀言和輯求助當先順人也無

其信雖危不動以昭其乃得人轉移貞信如此

得其用也上危而轉下乃不親上危而下不親之不足

信故也王拜日允哉允哉敬行天道







